



林下詞選卷六目錄

明詞

楊夫人二首

孟淑卿一首

朱盛藻六首

劉氏一首

張紅橋二首

王嬌鸞一首

王鳳嫺七首

張引元一首

陸卿子二首

徐媛二首

袁彤芳一首

項蘭貞三首

張倩倩三首

武氏一首



林下詞選卷六目錄

林下詞選卷六



明詞

楊夫人

黃氏四川遂寧人大司空黃珂女狀元楊
 慎夫人曲藻曰夫人有才情其寄夫滇中
 一律最著云雁飛曾不到衡陽錦字何由
 到承昌三春花鳥妾薄命六詔風烟君斷
 腸日歸日歸愁歲暮其雨其雨怨朝陽相
 聞空有刀環約何日金鷄下夜郎又黃鸝

兒一曲云積雨釀春寒見繁花樹樹殘泥
塗滿眼登臨倦江流幾灣雲山幾盤天涯
極目空腸斷寄書難無情征雁飛不到滇
南用修三和其韻俱不能勝

巫山一段雲

美人

巫女朝朝艷楊妃夜夜嬌行雲無力困纖腰媚眼暈
紅潮阿母梳雲髻檀郎整翠翹起來羅襪步蘭若
一見又魂銷

風入松

一絲兩氣病襄王枕上時光風流自古多魔障幾時
得效對鸞凰覓水重來崔護看花前度劉郎千嬌
百媚杜韋娘惱亂柔腸昨宵夢裏成恩愛待醒來依
舊淒涼歡樂百年嫌早憂愁一夜偏長

孟淑卿

號荆山居士訓導孟澄女姑蘇人嘗論詩
詞宜剷落鉛粉特出新裁管惟李易安差
足語耳若朱淑真猶未免俗

減字木蘭花

幽懷

銀河如畫嶰峭黃花寒越瘦小立闌干滿砌花陰怯
步還 當年劉阮天台重訪桃花亂怪道而今眼底
眉頭剩月明

淑卿詩見諸選本者最多其觀蓮美人圖一絕尤
為士林稱賞詩云綠槐蟬靜日偏長懶薰金爐百
和香莫摘池中蓮子
看箇中多少是空房

朱盛藻

字瓊蕤黃州楚宗女嘗作灌春逸尚序其
畧云盛藻託體穠華敦懷椎布偃蹇擇對
遲暮成歸微傳玄之好述媿杜韡之淑德

弋鳧旣叶挽鹿可追蟻聚之視爲輕牛衣
之泣爲鄙一聞緒論決志幽棲夫耕妻鋤
我負子戴忘憂乎灌園之役敬恭乎春廡
之間似可以嗤鶴唳于華亭賡鳳歌于楚
澤不獨向之提甕賃春者迥然同韻即使
當世副珈曳翟之子亦必盭然當心憾其
聞之晚矣

蝶戀花

桂影

寶魄初臨青玉樹萬疊穠陰一點窺人處笑印參差

眉黛譜暈灰學画檀深注 庭轉金波疑漸曙鸞尾
偏棲乍怯霓裳露待到深秋金粟吐輕裾又襲幽芬
暮

又竹影

幾箇琅玕浮翠羽防露含風更喜流暉聚庭藻交加
疑細步羅衣巧繡分明靚 却蔭玄軒穿北戶夢入
芳蘭竟體清如許濯魄珊珊還自顧冰心秀殺閨房
婦

又柳影

永日三眠輦較嫵困態初舒莫遣紅粧妒自有明珠
生遠浦舞低恍向樓心覷 拂地長條誰是主露下
芙蓉只恐難畱住好趁煙光凝地護交枝漫鎖長門
路

又梅影

玉格橫斜剛道誤穠綠成陰借把黃昏賦佳實纍纍
難計數低頭錯認蒼苔廡 麟閣調羹曾繪素衆虜
朦朧指出渠風度歷盡炎霜還似故弄珠先擬梨雲
句

又蕉影

袖剪湘羅新楚楚帝子瑤臺飄向空中舉滿地婆娑
憑綻舞輕軀好跨青鸞去半軀紅心嬌欲助紅蝠
羞池猜聽呢喃語好夢貪成渾忘暑人如紅蝠花間
覆

又薇影

亞朶蒙茸聞暮雨池水空明倒寫如紅霧百日芳菲
香漸布三番屈指看三五禁院仙郎傳伴侶瞥覩
如花省識難憑據綺閣輕陰須記取玉纖指處篩金

縷

填詞集豔云一夕而成六詞不言影不
名卉不更韻不重押可謂巧有餘妍

劉氏

楚人詞止一闋亦吉光片羽也

浪淘沙 新秋

昨夜雨綿綿寒澁燈烟薄衾蕭索不成眠曉起床頭
看曆日換了秋天綠葉尚新鮮猶想爭妍教他知
道也凄然眼底韶光容易過樹且堪憐

張紅橋

閩縣人恃才擇配常曰欲得才如李青蓮
 者事之因林鴻投詩稱意遂歸焉後鴻有
 金陵之遊作詞畱別云鍾情太甚人笑我
 到老也無休歇月露烟雲多是恨况與玉
 人離別軟語丁寧柔情婉戀鎔盡肝腸鐵
 岐亭把酒水流花謝時節 應念翠袖籠
 香玉壺温酒夜夜銀屏月蓄喜含嗔多少
 態海岳誓盟都設此去何之碧雲春樹晚
 翠千千叠圖將羈思歸來細與伊說紅橋

亦以詞送之別後竟以念鴻而卒有遺稿
 存世林鴻字子羽

黃金縷

卽蝶戀花半闕

記得紅橋西畔路郎馬來時繫在垂楊樹漠漠梨雲
 和夢度錦屏翠幙畱春住

念奴嬌

次韻送外之金陵

鳳凰山下恨聲聲玉漏今宵易歇三疊陽關歌未竟
 啞啞棲鳥催別含怨吞聲兩行清泪漬透千重鐵柔
 情一縷不知多少根節 還憶浴罷描眉夢回攜手

踏碎花間月謾道胸前懷
荳蔻今日總成虛設桃葉
津頭莫愁湖畔遠樹雲烟
疊寒燈旅邸熒熒與誰間
說

紅橋有遺林鴻詩云一南一北似飄蓬妾意君
心恨不同他日歸來也無益夜臺應少繫書鴻

王嬌鸞

天順初人臨安衛王指揮女與松陵周廷
章善往還詩詞最多其送別詩有郎馬未
離青柳下妾心先在白雲邊之句後廷章
負盟別娶鸞遂自殉鍾伯敬名媛詩歸曾

錄其長恨歌一篇

如夢令

正好歡娛綵幔何事赤繩緣斷步月散幽懷又被琴
聲撩亂情願情願孤枕與君分半

王鳳嫺

字瑞卿號文如子雲間人進士張本端妻
垂髻時大父試以駢句云秀眉新月小卽
應聲曰鬢髮片雲濃華亭范濂評其詩曰
高華絕響錢劉清新迥出溫許女文姝媚

珠皆能詩有貫珠集

春光好 立春

香徑軟萬山明試羅輕碧草萌芽遍遠汀
好鳥調歌弄舌鳴鳩喚雨呼晴十二珠樓
簾盡捲按新聲

浣溪沙 同喬夫 人郊行

新篁曲徑野花香閃閃隨風蝶翅忙柳綿飛墮點羅裳
人在景中憐日永燕翻波面舞春長野橋古渡半斜陽
前段起二句不合調

減字木蘭花 納涼

風來池畔玉肌瘦骨析無汗枕簟涼生露冷荷香夜色清
月臨殘卷三更漏盡渾忘倦寂靜閒庭柳外流螢墜亂星
前後段起句俱不合調

憶秦娥 月夜憶亡女引慶

牽裾別欲行還止心摧折心摧折羅衫袖漬層層泪
血倚門目斷魚書絕驚魂已逐波流月波流月空悲老我
鬢髮垂雪

又

長歌咽芳魂不返徒悲切徒悲切寒烟蒼樹爲將愁
結烏棲啞啞人聲絕傷心一片中天月中天月可
憐猶照舊妝空閣

臨江仙

秋興

珠簾不捲銀蟾透夜涼獨自凭欄瑤琴欲整指生寒
鶴歸松露冷人靜井梧殘天際一聲新度雁翱翔
似覓回灘浮生幾見幾悲歡三秋今已半楓葉醉林
丹

念奴嬌

花嬌柳媚問東君正是芳菲時節帳暖流蘇雞報曉
驕起悄寒猶怯烏烏情牽青鸞信杳追憶當年別臨
岐泪滴衷腸哽咽難說望斷行雲柴門倚遍凄凉
空對閒風月屈指歸期無限恨添得愁懷疊疊鏡影
非前人情異昔怎禁心摧折欲訴憑誰盡在數莖白
髮

張引元

字文姝又字蕙如王鳳嫺長女楊世安妻
年二十七卒范濂稱其詩爾雅俊拔有劉

長卿風骨

點絳脣 答母

時節朱明暖風初入芭蕉院歸期日盼鬆盡黃金釧
病起南樓愁睹將雛燕無由見白雲瞻戀十二闌
憑遍

陸卿子

長洲人趙願光妻名媛集稱其性秉玄澹
不喜繁飾長齋繡佛超然有遺俗之志著
考槃玄芝二集行于世願光字凡夫寒山

隱士也工篆書至今名重或曰卿子能詩
實佐成之

憶秦娥 感舊

砧聲歇梅花夢斷紗窗月紗窗月半枝踈影一簾淒
切 心前舊願難重說花飛春老流鸞絕流鸞絕今
宵試問幾人離別

畫堂春 春怨

晴空烟裊柳絲微亂紅風綻猶飛杏花零落燕空歸
門外鴉啼 慵病不禁寬帶諱愁無那尖眉香消斜

倚畫屏時此恨誰知

徐媛

字小淑法名淨照姑蘇人太僕徐寶維女
提學范允臨夫人能文善書與寒山陸卿
子為詩友論詩獨不喜子美而雅慕長吉
謂子美雖大家然多俚語易入學究長吉
怪怪奇奇俱出自創不致以鬼才開宋人
門戶所著有絡緯吟十二卷行世

霜天曉角

題采石磯
蛾眉亭

雙巒鬪碧寒玉雕秋壁兩道凝螺天半橫無限青青
色拍岸濤千尺似鼓湘靈瑟窗下鏡臺鸞去空留

得春山跡

後段起二
句不合調

漁家傲

詠吳延陵
郊居小齋

板扉小隱清溪曲夜月羅浮花覆屋木籠憂憂搖生
穀莊田熟桔槔懸向茆簷宿青山一片芙蓉簇林
臯逸韻飄橫竹遠浦輕帆低幾幅濃睡足笑着小婦

雙鬢綠

絡緯集中有詞云露浥芙蓉茜翠色枯棠瓣傍踈
柳西風幾點又云曲曲湖梁一片秋光織皆其名

也句

袁彤芳

字履貞蘇州人憲使袁德門女自稱廣寒
仙客年十四卽作遊山詩云楓林葉墮紅
荷沼翻波綠回首歸路遙雲山萬重曲

長相思

旅思

風滿樓月滿樓月白風清動客愁征鴻聲且留
燈
半篝香半篝燈燼香沉殘夢悠歸舟天盡頭

項蘭貞

字孟晚秀水人黃卯錫妻著有裁雲草寒
山陸卿子爲序如幽人心賞間翛然弄秋
月晚風吹月上孤鳥帶雲還檻外繁花隨
意茂夢中芳草傍愁生野雀閒雲身外伴
落霞飛鷺景中禪惟有秋風解人意故吹
魂夢到君旁爲語王孫須努力閨中應不
悔封侯俱集中警句也武林徐野君曰三
吳閨秀自陸卿子徐小淑而外不得不以
此事推君

搗練子 秋月

新雁唳葉紛飛砧杵聲催露濕衣獨坐空庭更漏永
一天明月散清輝

點絳脣 憶茂仲

柳眼舒青宮桃着露烟如織憑闌目極無語心悽惻
風度簫聲鳳去空相憶愁寒食薄羅初試杏臉消

春色

鵲橋仙 七夕和女冠王修微

秋葉辭桐虛庭受月漫道雙星踐約人間離合總難

期空對影靜占靈鵲 遙想停梭此時相晤可把別
愁訴却瑤階獨立且微吟靚瘦影薄羅輕綽 前後段起句不

合調

張倩倩

吳江人適同邑沈自微自微字君庸負才
任俠所著霸亭秋鞭歌妓簪花髻詞三齣
名漁陽三弄與徐文長四聲猿並傳於世
填詞集艷云倩倩豔色清才年三十四而
歿遺香僅存一二

浣溪沙

幾日輕陰冷翠綃起來慵把柳眉描春情無奈困人
嬌 簾外錦鴣啼恨絮天邊帛雁寄書勞小牕閒撥
篆煙燒

憶秦娥

風雨咽鷓鴣啼破清明節清明節杏花零落悶懷千
疊 情棕依舊和誰說眉山鬪鎖空愁絕空愁絕雨
聲和泪問誰淒切

蝶戀花

漠漠輕陰籠竹院細雨無情泪濕霜花面落葉西風
吹不斷長溝流盡殘紅片 千遍相思纔夜半又聽
樓前叫過傷心雁不恨天涯人去遠三生緣薄吹簫
伴

武氏

萬曆庚戌榜進士文翔鳳妻翔鳳字太青

如夢令

夏日

畫閣閒吟玉案簾捲薰風滿院悶則向花前獨立闌
干倚徧堪玩堪玩座裏清陰一半

明

宋

林下詞選卷七目錄

明詞

沈宜修十六首

葉純純八首

葉小純六首

葉小鸞十六首

林下詞選卷七目錄

林下詞選卷七

明詞

沈宜修

字宛君吳江人虞部葉紹袁夫人紹袁字仲韶有才名子女俱工文詞宛君遺集名鸚吹又有伊人思輯閨秀詩文甚脩沒後虞部哀集其稿曰午夢堂集共數種三女純純小純小鸞詩詞附後今見選中子燮登康熙庚戌榜進士孫舒崇亦以文章知

名

憶王孫

雲屏寂寂鎖殘春錦瑟年華已半塵芳草畱香燕語
新繡苔茵金鈿瓊簫總殢人

點絳脣 代人寫恨

寶鏡空圓薄情猶憶當初否指環在手對面成拖逗
自悔無端信得虛名驟重陽後安排消瘦愁病長
相守

菩薩蠻

紫驪嘶遍垂楊曉綠牕人正腰肢小紅袖拂瓊簫含
情注小桃 春歸人去遠春去人歸晚莫把杏花吹
夜深啼子規

又 送仲韶北

柳疎垂映長亭酒酒亭長映垂疎柳人去促飛塵塵
飛促去人 雁征愁信遠遠信愁征雁彈泪染綃純
純綃染泪彈

清平樂

柔情如結着意憑誰說春去風翻簾外鐵幾度天涯

林下詞選 卷一
明月無端故故思量綠牕夢遠瀟湘啼鳥不知人
恨數聲喚落斜陽

三字令

花落盡柳陰低雨絲飛香霧濕彩雲迷帶愁飛飛去
也武陵西新夢短漏依依剩相思殘月冷曉烟淒
蝶香濃鶯語碎斷腸時

瑤池燕

和君晦
弟韻

輕寒陣陣欺花困半嫋垂楊乍籠餘恨藏微暈羅巾
愁濕粧前認傍簾櫳花影堆悶香消損東風幾負

春信憑誰訊平波正遠憐雙鬢

虞美人

瓶中
臘梅

生香素面檀融暈懶傳何郎粉膽瓶折取貯仙葩試
看漸將春色逗些些纖枝不鬪東風巧耐雪衝寒
早鏡前新寫漢宮妝却把玉顏淡淡拂輕黃

踏莎行

和凝有句云春思翻教阿母疑余以爲
破瓜之年亦何須疑直是當信耳作問

疑詞戲
示瓊章

芳草青歸梨花白潤春風又入昭陽鬢繡牕日靜綺
羅閒金鈿二八人如薜碧字題眉細香寫暈青鸞

玉線裙榴襯若教阿母不須疑粧臺試向飛瓊問

滿庭芳

簾月光微屏山畫寂斷魂長遠離亭小牕人靜無語
正傷情獨對殘燈明滅空憔悴難問寒英熏籠倚香
銷縷枕愁極不聞更 清清聽塞雁天邊嘹唳往事
頻驚歎薇花夢杳翠黛凝橫漫說流黃錦字何處寄
天上瑤京多少恨憑風吹去飛遶鳳凰城

又七夕

玉樹香浮金波彩泛細風輕送雲行橋邊烏鵲千古

說多情何事歡娛易散空悵望玉鏡銀屏堪憐處年
年芳草青黛鎖秋橫 盈盈增悵望更更漏點處處
鷄聲看踈星漸曉珠露飛英腸斷鮫綃帕上休回首
枉自魂驚還須問長河渺渺流向幾時平

玉蝴蝶

思張倩
倩表妹

驀地流光驚換畫欄一帶烟柳初齊乍煖輕寒庭院
盡日簾垂送愁來數聲啼鳥牽夢去幾樹游絲憶當
年情含寶帳未解春思 堪悲盈盈極目幾多江水
隔若天涯恨結丁香也應還自怪香綦漫思量花前

舊約空惆悵虛負芳期又誰知夜牕魂斷曉鏡低眉

百字令

重午感懷

傷心時候又端陽景色依然滿目暗柳藏鶯千百轉
聲遶畫簾風竹舊恨唵花新愁泣夢細雨凝蒲綠泪
殘芳草斷魂何處難續 休說簫鼓年年龍舟競渡
玉盃傾醅醪今古興衰多少事不盡沅湘萬曲明月
山空青松露寂烟水長飛鷺落霞影裏怎如數椽茅
屋

水龍吟

丁卯余隨宦治城諸兄弟應秋試俱得晤後仲韶北赴燕京余幽居忽忽恍焉

三載賦此志慨

砧聲敲動千門渡頭斜日踈烟逗蓮歌又罷萸房將
採愁凝翠岫巫峽波平蘅皋木脫粉雲涼透歎無端
心緒臺城柳色難禁許多消瘦 古道長安漫說小
庭閒晝應憐否紅綃雨細碧欄天杳三更銀漏塞雁
無書清燈空藥但餘綠酒想當年白傅青衫還倩泪
畱雙袖

又

庚午秋日余作水龍吟詞兒輩俱屬和書之扇頭今又經三載偶簡篋中扇上之詞宛然二女已物是人非矣可勝腸斷不禁泪沾衫袖因續舊韻賦此

石城潮打千秋消磨不盡還相逗閒雲無定野水長
 縈續紛遶岫古古今今朝朝暮暮如何叅透歎依然
 風景茫茫交集但憑得秋容瘦 看取嬋娟秋色西
 風搖落應憐否碧天空濶寒烟無數怨砧淒漏把杯
 邀月恨濃愁極拚他中酒問廣寒丹桂飄幾何處斷
 香盈袖 按圖譜前段末句應七字後段末句應四字
 詞品又作三字句惟東坡楊花詞俱六字

霜葉飛

題君善
祝髮圖

悶懷難表西風弄愁人踪跡顛倒笑拚華髮付淒涼
 露泣芙蓉老夢破柳烟蝴蝶曉沉吟擲鏡寒烟掃世
 事總休休但倩取幽窗月影夜半留照 憔悴動處
 非狂愁時非醉畫裏人應知道遶崖黃葉正紛紛好
 共哀猿嘯落藥楚江君莫惱芳洲處處悲秋草自有
 閒雲飛伴松月山空桂叢烟渺

葉統統

字昭齊沈宛君長女適袁了凡孫年二十
 三卒有遺稿名愁言名媛集稱其詩俊逸
 蕭永如新桐初引青山照人其詞亦復爾

爾

點絳脣

往事堪傷舊游綠遍池塘上閒愁千丈暗逐庭蕪長
自古多情偏惹多惆悵添悽愴寒宵月朗一片淒

涼况

浣溪紗

風雨閒庭鎖寂寥又看春色一分消翠屏斜倚思無
聊 夢覺情踪無處問悶來心緒最難描殢人殘病
是今朝

三字令

詠香
撲

疑是鏡又如蟾最嬋娟紅袖裏綠窻前殢人憐羞錦
帶妬花鈿 蘭浴罷襯春纖撲還拈添粉艷玉肌妍
麝氤氳香馥郁透湘縑

繫裙腰

做劉
叔儼

窗兒半掩簾兒清庭兒靜袖兒輕春兒老去傷情景
兒明愁懶把步兒行 黛兒感感髻兒傾欄兒倚悶
盈盈萋萋綠草兒迷斷歸程歎聲聲只贏得夢兒成

滿江紅

秋色澄清烟靄淨碧天寥廓正此際悲涼滿目歲華

搖落鏡裏流光私自惜天邊斷鴈愁難託奈新來雙
鬢不勝秋渾蕭索 問何處堪棲泊想蕙帳悲猿鶴
更踈籬叢菊草堂風籜無奈都成虛負了塵勞客夢
何時却怕西風消息暗驚心偷垂幙

玉蝴蝶

感春

景色穠芳清晝游絲無力嫋嫋輕柔欲挽春光同住
肯爲遲畱碧烟侵舊時羅袖紅香淡獨自粧樓繡簾
幽弄晴啼鳥喚雨鳴鳩 悠悠凭高一望江南春色
千古揚州回首繁華斷腸都付水東流黯魂消一番

懷古空目斷萬縷新愁幾時休綠楊芳草春夢如秋

又

窻外曉鶯初囀柳陰陰處聲透西樓好夢驚回深院
簾捲銀鈎霧濛濛杏花無語人寂寂芳草如羞恨綢
繆幾多心事盡屬眉頭 凝眸新妝鏡裏東風無計
吹破春愁粉褪香消長門花月半沉浮問年年惱人
濃綠看日日伴我孤疇倚香篝黃昏雨後數遍更籌

水龍吟

早秋感舊
次母韻

蕭蕭風雨江天淒涼一片秋聲逗香消菡萏綠催蘭

芷烟迷遠岫浪隔星橋雲遮碧漢薄羅涼透蚤無端
拈起一簾愁緒都作鏡中消瘦 寂寞文園秋色這
情懷問天知否簷鈴敲鐵琅玕折玉聽殘更漏淡月
踈櫺小庭曲檻暫消杯酒便小槽引盡真珠只怕泪
紅沾袖

葉小純

字蕙綢沈宛君次女適同邑諸生沈永禎
是爲詞隱先生孫婦精于曲律所著有鴛
鴦夢雜劇附午夢堂集女樹榮亦工詩詞

今編 國朝卷中

浣溪紗 新月

織影黃昏到小樓弱雲扶住柳梢頭捲簾依約見銀
鈎 粧鏡試開微露匣蛾眉學画半含愁清光先自
映波流

又 春日憶家

剪剪春寒逼絳綃幾番風雨送花朝黃昏時節轉無
聊 夢裏家鄉和夢遠愁中尺素與愁消夢魂書信
兩難招

菩薩戀

暮春
迴文

柳絲迷碧凝烟瘦瘦烟凝碧迷絲柳春暮屬愁人人
愁屬暮春 雨晴飛舞絮絮舞飛晴雨腸斷欲昏黃
黃昏欲斷腸

踏莎行

過芳雪軒憶
昭齊先姊

芳草雨乾垂楊烟結鶉聲又過清明節空梁燕子不
歸來梨花零落如殘雪 春事闌珊春愁重疊篆烟
一縷銷金鴨憑欄寂寂對東風十年離恨和天說

又

暮春
感舊

萱草緣堦桐花垂戶陰陰綠映清涼宇輕風搖曳繡
簾斜畫屏難掩愁來路 世事浮雲人情飛絮慙慙
愁緒絲千縷無聊常自鎖牕紗嬌鶯百轉知何處

水龍吟

秋思和
毋韻

西風一夜涼生小庭秋色還依舊井梧聲碎驚回殘
夢鴉啼衰柳竹粉全消荷香初散韶光難又看堦前
細草凝愁凝怨無語慙慙低首 幽徑湖山徙倚雨
方收苔痕如繡萍蕪飄盡曲池清淺照人眉皺野寺
踈鐘長江殘月去年時候謾追思付與東流聽取夕

葉小鸞

字瓊章一字瑤期自號煇夢子沈宛君之季女年十七未嫁而亡有遺集名返生香

仲韶續窮聞云吳門泐菴大師陳隋宿德也受天台智者大師止觀之教墮神趣中現女人身以佛法行冥事余家設香花幡幢敦延大師問以亡女瓊章師曰瓊娘向係月府侍書女也因遊戲人間故來君家今仍歸緱山仙府隨為遣使招之少頃即至題句云幃風瑟瑟女歸來萬福尊前且節哀二語即止似哽咽不能成者又作詩呈師有從今別却芙蓉主永侍猊床沐下風之句云願從

大師授記不往仙府矣師云皈依必須受戒受戒必須審戒我今一一審汝師云曾犯殺否女云曾犯曾呼小玉除花虱也遣輕紈壞蝶衣曾犯盜否云曾犯不知新綠誰家樹怪底清簫何處聲曾犯犯淫否云曾犯晚鏡偷窺眉曲春裙親繡鳥雙雙又審四口惡業曾妄言否云曾犯自謂前生歡喜地詭云今坐辨才天曾綺語否云曾犯團香製就夫人字鏤雪裝成幼婦詞曾兩舌否云曾犯對月意添愁喜句拈花評出短長謠曾惡口否云曾犯生怕簾開譏燕子為憐花謝罵東風又審意三惡業曾犯貪否云曾犯經營緇帙成千軸辛苦鶯花滿一庭曾犯噴否云曾犯怪他道蘊敲枯硯薄彼崔徽撲玉釵曾犯痴否云曾犯勉棄珠環收漢玉戲捐粉合葬花魂師曰子固一綺語罪耳遂予之戒名曰智

斷字絕際今泐師無葉堂中稱絕禪師者卽瓊章也

搗練子

春寂寂月溶溶落盡紅香剩綠濃明月清風同翠幙
夜深人靜小窗中

如夢令

除夕

風雨簾前初動早又黃昏催送明日攄然來一歲空
憐如夢如夢如夢惟有一宵相共

點絳脣

採蓮女

粉面新妝淡紅衫子輕羅扇昨宵隣伴來約蓮塘玩

棹泛扁舟影共蓮花亂深深見綠楊風晚空載閒

愁返

又

竹徑深深流雲曉度羅幃靜雨絲幾陣滿地桐花冷
濕翠侵眉纖暈蒼苔影看無盡倚屏人映一片瀟

湘景

浣溪紗

幾日東風倚畫樓碧天青靄半空浮韶光多半杏梢
頭垂柳有情畱夕照飛花無計却春愁但憑天氣

困人休

又

春色二分付水流風風雨雨送花休韶光原自不能
畱 夢裏有山堪遁世醒來無酒可澆愁獨憐閒處
最難求

謁金門

秋晚憶
兩姊

情脉脉簾捲西風爭入漫倚危樓窺遠色晚山畱落
日 芳樹重重凝碧影浸澄波欲濕人向暮烟深處
憶繡裙愁獨立

南柯子

秋夜

門掩瑤琴靜窗消畫卷閒半庭香霧遶闌干一帶淡
烟紅樹隔樓看 雲散青天瘦風來翠袖寒嫦娥眉
又小檀彎照得滿階花影只難攀

浪淘沙

春閨

薄暮峭寒分羅簟香焚粉墻畱影弄微曛一縷茶烟
和夢煮却又黃昏 曲曲畫湘紋靜掩巫雲花開
落負東君賺取花開又落都是東君

鷓鴣天

日上花梢睡未醒繡衾香煖夢畱人依依柳眼天邊
碧淡淡山眉鏡裏青無意緒惜娉婷綠階芳草伴
愁生東風吹夢知何處空聽流鶯竹裏聲

河傳 七夕

橋畔鸞扇星鈿霞釧暫撇殘機步移思量去年今夕
時淒其未期先慘離借得嫦娥初月鏡窺瘦影拂
拭翠眉整駕雲軿河漢西淒迷只愁鷄暗啼

虞美人 看花

闌干曲護閒庭小猶恐春寒悄隔牆影送一枝紅却

是杏花消瘦舊東風海棠睡去梨花褪欲語渾難
問只知婀娜共爭妍不道有人爲你惜流年

臨江仙 端午

團扇新裁明月影珠簾半上瓊鈎榴花紅到玉釵頭
綵絲宜續命綠砌遶忘憂酒泛菖蒲香玉碎嫩紅
雙靨橫秋畫船盡日開芳洲蕭蕭烟雨外還鎖楚江
愁

踏莎行 秋景

悴葉零愁清香入繡小山叢桂塗黃就畫樓日影上

簾鈎松風一枕消清晝 片雨涼生小風波皺踈踈
翠玉琅玕逗斷雲飛盡碧天長數枝烟柳斜陽瘦

玉蝴蝶 春愁

夢破曉風庭院粉墻花影睡起恹恹幾日雙蛾愁損
鏡裏春尖看盡他鸞梭柳線都織就霧錦雲縑最難
忺催花小雨依舊廉纖 堪憐韶光淑景芊芊芳草
寂寂鈎簾燕子歸來花香都向綠琴添散閒愁流紅
泛去消酒困濕翠飛粘怯春衫香烘裊裊袖護摻摻

水龍吟

秋思次
母韻

芭蕉細雨瀟瀟雨聲斷續砧聲逗凭欄極目平林如
畫雲低晚岫漸老金風乍零玉露薄寒輕透想江頭
木葉紛紛落盡只餘得青山瘦 且問沈寥秋氣當
年宋玉應知否半簾香霧一庭烟月幾聲殘漏四壁
吟蛩數行征雁漫消杯酒待東籬綻滿黃花摘取暗
香盈袖

昔黃山谷稱晏小山詞爲高唐洛神之流其下者
亦桃葉團扇今讀返生香諸詞則全是高唐洛神
非復桃葉團扇可髣髴也

林下詞選卷七

林下詞選卷八目錄

明詞

端淑卿四首

張嫺倩四首

黃鴻二首

翁孺安一首

錢夫人三首

郭瑋二首

顧若璞六首

商景蘭三首

顧蕙二首

周蘭秀三首

瞿寄安一首

韓智珩四首

沈靜專七首

黃竣一首

顧蘭佩一首

沈少君一首

吳栢二首

林下詞選卷八目錄

林下詞選卷八

明詞

端淑卿

當塗人教諭端廷弼女適芮氏所著有綠窗詩稿小詞附焉德清章元禮謂其旨醇而節和風颯有致足稱鄒士齋流亞

阮郎歸 春夜

園林春到清明節花柳愁攀折人生何事輕離別水遠山重疊 杜宇啼殘更月銀缸照明滅莊周有夢

驚飛蝶關心猶未說

西江月 寄外

簾外紛紛風絮金鈎雙控頻敲銀缸明滅麝烟消羅
帳夢魂縹緲 梅折一枝相寄長途驛使虛勞寂寥
更漏夜迢迢展轉不知天曉

醉花陰 春去

春到人間能幾月愁近清明節花柳正爭妍妒雨紛
紛杜宇聲啼血 茫茫山水經年別感事歸心切無
計可畱春一片花飛兩鬢堆霜雪

浪淘沙 憶外

灑泪卜金錢爻象移遷荷筒折斷藕絲連夢裏還家
愁裏語總是虛占 時事苦迤邐一別經年北堂萱
草望懸懸雲樹叅差山水遠魚雁難傳

張嫺婧

廬州人有集行世共詞風度嫣然自是閨
幃本色

菩薩蠻 問海棠

海棠春睡臙脂冷聲聲杜宇呼難醒想是怯東風沉

沉香夢中 閒來花檻外漫把花愁解切莫憂朦朧
輕將錦被籠

又 連城山房

落花風捲春愁絕枝頭燕剪裁桃葉花氣沁簾香遊
絲掛綠牕 蕉青鸞翅影草碧龍鬚冷無語對瑤琴
閒花落膽瓶

憶秦娥 聽杜鵑

春去矣蘼蕪綠遍苔痕紫苔痕紫暗葉啼風老紅泣
雨 解人小燕渾無語杜鵑猶在寒烟裏寒烟裏道

不如歸何時歸去 前後段第四句俱不合調

又 秋夜聽雨

寒雨澁寒風颯颯寒簷鐵寒簷鐵丁丁點點蕭蕭瑟
瑟 寒蛩趨趨唳寒葉寒衾寂寂寒燈滅寒燈滅嘈
嘈唧唧淒淒切切

黃鴻

字鴻耀仁和大叅黃又謙女詩名廣寒

集

長相思 秋怨

倚闌干對闌干鵲鳩三聲枝上寒如何桂影圓 記
難難話難難喚盡邯鄲清漏闌啼紅燭未殘

菩薩蠻

梅花
夢中

欄開十二幽香膩分明睡在梅花裏風動曉妝前
雲冷翠鈿花魂何處問向晚愁來近橫枕一張琴
琴心曲裏尋

翁孺安

字靜和太常翁憲祥女自號靜和居士海
虞人適同邑顧氏有浣花居遺稿名媛詩

選云靜和居士性喜吟咏不事鉛華室中
惟琴書圖籍而已

浣溪沙

秋日

碧天沉影散秋光雁陣初過列字行冷風徐沁白羅
裳 墮葉井梧旋靜砌含英籬菊護低墻聲聲何處
搗衣忙

前段起二
句不合調

錢夫人

吳興人都憲唐世濟夫人填詞澹遠真有
林下風致所著附瓊蘼集

菩薩鬘

迴文和美承韻

凍雲微壓花如夢
夢如花壓微雲
凍魂傍月邊
尊尊邊月傍魂
我憐花久坐
坐久花憐我
烟柳冪平川

平川冪柳烟

滿庭芳

寄夫美承掌
意并次來韻

古樹陰濃新篁翠
淺乍陰過雨
俄晴方塘對岸
畱得小紅英
消受茶芽
蕨筍絲几淨
雲母輕明
薰風至釣絲
搖曳無處立
蜻蜓喜灌園
君志辟纒
吾職兩意相并
把當前小景
直擬蓬瀛
怎便塵勞盡
謝長無事

心境雙清
家園好藕花如錦
波面想盈盈

後段第二
字宜平

沈鳳羽曰
夫人有四時詞
亡其二此夏景
作也適火雲鑠
金揮筵讀之
冷冷如坐嘉
蔭有頃便栩栩
然入夢不謂
海外松風乃在
尺幅間也

又

一片松陰半庭梧
葉縱橫占滿空
堦授衣時節
砧響隔牆來
漸老懶親刀尺
褰簾望秋色
佳哉真難料
千餘里外來看
木樨開嘆閭浮
狹小鬪爭堅
固利嫁名媒
怕胸中醜磊
辜負新醅
但使迢遙
鵬鷁知何事
荏苒榮懷
高樓晚孤鴻
別浦鄉思
忽相催

郭瑋

字璩汝長洲人適埭川顧氏畫學寒山趙
文淑其花草為吳中第一嘗題詩扇頭有
葉落空山萬木齊之句識者謂其清古秀
潔非一時閨閣所能

思帝鄉 有懷

紅燭冷碧釵畱燭冷釵畱人去恨悠悠捐得一分憔悴
一分秋試問眉間心上幾多愁

南鄉子 池荷 前後段起句各少一字一作減字南鄉子

午院新涼不捲疎簾拭暗香意在蓮心誰向問情長
懶將紗扇撲鴛鴦 雨過秋塘翠蓋深深露半妝一
似低頭嬌不語思量泪浥紅腮不記行

顧若璞

字和知錢塘人上林署丞顧友白女文學
王東生室小詞字字婉媚得花間之神者
有臥月軒集

長相思 春詞

梅子青荳子青飛絮飄飄撲短襟風褰羅袖輕 送

芳辰惜芳辰春事支離些箇情眉峰恨幾層

又

春先到愁先到嫩鶯故對新叢叫懶把雲和抱
愁
先到春先到花輕蝶亂東風裊撚却花枝照

減字木蘭花

月夜聞嬾清沈夫人吹簫

雨收風細一片清光疑是洗秦女樓頭吹出柔腸幾
許愁
花枝掩映素腕金環頻弄影香軟寒輕寂寂
簾幃夜不扃

浣溪沙

嫩柳牽絲覆綺牕起來無緒理明璫惱人最是日初
長
三尺烏雲隨意挽兩條却月待蕭郎胡琴閒放
竹方牀

又

綠水紅蓮一帶妍荷衣欲剪惜金錢可憐瀟瀟不同
眠
紈扇看來心已碎迎涼盼不到秋天算來又怕
說秋天

玉樓春

晚春中橋看月

花飛錦帶春波簇殘月流輝明水縠萬珠的爍照新

妝故向嫦娥織手掬
柳線牽烟輕重綠
漁燈高下
驚鴛宿無情
花柳送春歸
不管離人腸
斷續後段起二句不

調合

商景蘭

字媚生會稽人中丞祁彪佳夫人有集行世其詩餘聲情爾雅不涉濃艷自是大方

搗練子

長相思久離別爲誰憔悴憑誰說捲簾貪看月明多
斜風恰打銀缸滅

青玉案

別黃皆令

一簾蕭瑟梧桐雨秋色與人歸去花底雙尊畱薄暮
雲深千里雁來寒度客有愁無數
片帆明日東臯
路送別恨重重烟樹越水吳山知何處舞移燈影
調弦柱且盡杯中趣

燭影搖紅

憶舊

春入華堂玉堦草色重重暗寒波一片映闌干望處
如銀漢風動花枝深淺忽思量時光如箭歌聲撩亂
環珮丁當繁華未斷
游賞池臺滄桑頃刻風雲換

中宵笳角惱人腸
泣向庭幃遠何處堪畱顧盼更可
憐子規啼遍一枝殘
牖滿壁圖書幾聲長歎

顧蕙

字又蘓崑山人宗伯顧錫疇女適烏程沈

氏遺稿最富

菩薩蠻 征婦怨

誰家月下砧聲動
高樓少婦拈鍼弄
欲整舊時衣知
他瘦與肥 金戈迷滿路
夢見應無據
十載滯關山
閨中綠鬢殘

鷓鴣天 春日偶成

風送簾開花影浮
曉寒側側倚妝樓
容瘦羞窺明月
鏡鬢絲懶上綠雲油
簷馬外柳枝頭
雙飛鸞燕喚
春畱總然淑景堪娛目
難解深閨一種愁

周蘭秀

字淑英吳江人周九倩女平湖孫愚公配

如夢令 雨夜

梅雨夜窻聲動早
又新荷香送吹入畫樓來
一段幽懷誰共誰共
誰共漫擲燈前清夢

浣溪沙

夏

雨過梧桐萬綠平
模糊山色逐雲行
飄飄鸞羽傍風迎
茉莉小庭香落袂
夢餘蕉影綺窗橫
隔樓何處度簫聲

滿路花

秋日間居和朱希真韻

溪林晚雨乾
一片山雲破
荷池蘆汀畔
吹魚火
疎簾高閣
淡淡輕烟
裊闌干
方靜悄
鳥弄花聲
倚屏最惜
殘卧
半松半竹
綠蔭茶寮
左調琴
與滌硯
柴門鎖
閒抽鄴架
快讀新詩
過莖蘭
開傍我
初月纔生
雙鬢

輕喚人呵

前段附字失韻

瞿寄安

茂苑人歸西吳韓狀元敬

長相思

寄于夫人

朝含顰暮含顰
風動疎簾疑是君
相思欲斷魂
試羅裙
褪羅裙
鴛瓦霜飛病
又新
天涯兩地人

韓智珙

吳興人狀元韓敬女歸金壇于御君鑾沈
鳳羽初蓉集云夫人余中表姊也稟余姑

毋夫人教篝燈咿唔如經生姑詞翰重一時晚精內典斷綺語故集中無所載滄桑後姊遺稿多散失頃年御君來茗上得誦

其詞

浣溪沙 東瞿夫人

短燄流銀耿曙窗護霜殘月吹寒雁飛蓬流水去匆匆
一殷鸞釵慰離別三條紈素說思量夢魂遮莫
渡滄浪

又

玉筍雙垂透臉寒十離詩就背人看閒愁贏得幾多
般月轉空堦天欲曙香縈倦枕夢初闌相思一夜
小梅殘

又

刻燭相期已過痕忍寒先試浴泉温瑣窻人靜月如
銀自是別來渾不忘閒將舊事重追論感恩何必
說酬恩 忘字去聲

滿庭芳 秋霜

勁葦傳霜殘荷貌雨白雲隨處安排文心兵氣入夢

林下詞選 卷八
總成灰玉剪翻燈燕子還消得幾遍徘徊空惆悵五
陵狂客殘病到秋來 風篁如醉鐵山嬌樹綺池絢
霞裁更北牕淡處蕉影容堦叢桂愁關異代誰招隱
花落花開孤唵罷雙雙藕覆常繞碧欄迴

沈靜專

字曼君吳江人宛君之妹卽詞隱先生幼
女也先生嘗稱其才類眉山長公而坎壈
困阨亦頗似之故其詩詞多激烈之音適
吳適之所著名適適草小詞附其後別撰

頌古一卷於宗門會第一義知其得於頓
悟者淡矣自號上慰道人爲三峰法嗣云

長相思 春愁

春未盈蝶睡輕柳外東風吹恨生日長花氣清 瘦
魂驚一聲鶯羈住愁魔不放行遙山翠半醒

菩薩蠻 春曉 迴文

曉花留露春風小小風春露留花曉輕燕掠波平平
波掠燕輕 綠陰簾控玉玉控簾陰綠驚夢奈淡情
情淡奈夢驚

又寒夜

梅花幾樹瀟湘曲
依微影射林間屋
風急暮江寒孤
舟客思殘
素屏憐小夢空賦
霜華重明月冷山巔
三更啼杜鵑

畫堂春 春感

疎烟捲翠靜林邊
嫩雲不礙晴天綠
蕪影裏燕飛旋
山起睂鮮
瞥見侵簾仄
月回傷別塢
啼鵑當時猶
怨別離船
忍隔重泉

蝶戀花 蛺蝶

舞向低簷依嫩綠
翠冷天涯影斷
吹愁續幻就雲衣
飛態足粉烟浥
露枝頭浴
風動猶疑翻紫玉
引得
佳人悞入花陰撲
靜斂香鬢還自宿
蜂媒覓伴仍相
促

又春愁

遠樹披烟翻翠縷
繡粉生香寒月梨花露
柳蕩雲輕
春半暮殘陽流影
低花塢
枝上嬌鶯猶解
愬草綠
簾陰生啓愁歸路
搏就芳華天可悟
悲歌又把年光
度

鳳凰臺上憶吹簫 冬閨

天外霜飛江干風緊瓊閨夢冷芙蓉耐衾鴛紅薄雙
袖單籠侍女漫施鸞鏡任教他翠鬢雲鬆幽窗畔一
枝清逼玉映香叢 隆冬誰家嬌寵倚春華芳暖鮮
語溶溶歎文心一縷有句拈慵生分曉山眉醒也應
知做弄微衷綠莎際帆銜淡日猶度孤鴻 前段第七句不合調

黃垓

字智生黃維韞女見初蓉集

畫眉彎

宿妝殘未梳雲鬢先學畫眉彎簾外聲聲喚喚道海
棠開遍 愁春去惜春殘往事如今休怨從此去叅
盡瞿曇好向蓮臺答願

顧蘭佩

松陵人學憲顧道行曾孫女適玉峰何灋

清平樂

春柳次庶其叔父原韻

春江縹緲烟鎖何時了贏得離亭人去杳淚落隨他
多少 從教蕩漾風前纖腰欲折堪憐羨殺謝庭詠
絮休言張緒當年

沈少君

吳江人中丞沈宏所孫女太學沈君張女
幼工詩詞未字而歿遺稿有繡香閣集惜
與劫火同燼不傳于世蓋亦香奩之恨事
也今于伊弟醒公處覓得謝池春一闋并
梨花柳枝兩絕句其梨花云冰肌玉骨是
天成不向穠華鬪色新最是嬌香無着處
夢隨蝴蝶墮中庭其柳枝云青粉墻高弱
柳低柳烟拖碧轉雙鸞叮嚀似與行人說

賸取藏身幾箇枝

謝池春

曉起梨花
將謝感賦

細雨輕寒院落重門深閉爲花愁平添幾許寶釵慵
整獨把闌干倚惟春工忒匆匆矣 明朝只恐狼籍
粉痕歸砌早難支一襟憔悴雪肌素面相對空凝睇
快須呼玉樓人起

吳栢

字栢舟錢塘人吳太末女許配陳允璧未
嫁而允璧死栢年十七哭踊幾絕父聽歸

林下詞選 卷八 五
陳縞練推髻孝養舅姑年二十有七卒

菩薩蠻 驟雨

鏗然一陣鳴鴛瓦琅玕亂向空中灑瀑布屋頭懸階
墀忽作川 荷心珠玉顛沿路浮花片欺我是空房
公然漏在牀

鵲橋仙 七夕

金針穿巧花瓜鬪麗爭看天孫出嫁歡娛莫恨隔年
遙還勝似姮娥終寡 橋邊鵲羽盤中蛛網休論有
無真假天仙日月較凡常可知是千年一夜

林下詞選卷九目錄

明詞

王微十七首

楊玉香一首

徐驚鴻二首

楊宛九首

劉勝一首

趙彩姬二首

柳隱五首

謝小湄三首

林下詞選卷九目錄

林下詞選卷九

明詞

王微

字修微廣陵籍後爲女冠學道自號草衣
 道人與雲間陳眉公竟陵譚友夏輩爲文
 字交所著有期山草遠游篇閒草諸集名
 媛詩選云修微性雅好游嘗輕舟載詩畫
 往來五湖間自言入匡廬月下從開先寺
 看青玉峽道遇虎不怖至栖賢橋題字金

井上白雲捲之而飛見樂天草堂圮解衣
修葺菜芝天柱峰頭三觀日出殆飄飄乎
僊也

搗練子 送遠

雨初收花淚
簌歌送行人不成曲
花落花開俄頃間
歸期便合將花卜

如夢令 臨別似
譚友夏

只合喚他如夢前後空拈新詠
風便欲懸帆一片離
雲生棟休送休送今夜月寒珍重

又 夢到
舊居

月到閒庭如晝修竹曲闌依舊相向黯無言
忽道別
來銷瘦迤逗迤逗風底落紅僊僊

又 靜夜

簾外月消烟冷凍瘦一枝梅影空館不勝情
此際知
誰管領夢醒夢醒又把閒愁細整

長相思

人悠悠路悠悠不覺秋光入暝流
憐他獨倚樓
為
伊愁怕伊愁愁得相逢愁始休
郎家鸚鵡洲

生查子 春夜

久病怯凭闌况憶人同倚月寒花影篩愁至歡難替
離魂未得飛擔帶愁同去芳草在天涯綠到無迴
避

菩薩蠻

風吹楊柳春波急桃花雨細蒼苔泣此際若為情殘
膏滅復明 幾回鴛被底染就相思泪捲起待君歸
歸看架上衣

憶秦娥 湖上有感

多情月偷雲出照無情別無情別只似清輝暫圓常
缺 傷心好對西湖說湖光如夢湖流咽湖流咽又
似離愁半明不滅

又 月夜偶代

清光冷梧桐一葉飛金井飛金井相思此際倩誰管
領 有夢一生何必醒離愁只恁依花影依花影猶
記堤邊風迴小艇

又 月夜臥病裏宛叔

因無策夜夜夜凉心似摘心似摘想他此際閒窗如

林下詩選 卷九 三
簪烟散月消香徑窄影兒相伴人兒隔人兒隔夢
又不來醒疑在側

又戲畱譚友夏

閒思遍畱君不住惟君便惟君便石尤風急去心或
倦未見烟空帆一片已掛離魂隨夢斷隨夢斷翻
怨天涯這番重見按憶秦娥調每句第二字俱應平聲今修微詞都有誤

鵲橋仙 七夕

菡萏開霞輜轔蔽月曾赴書生密約人間較得合歡
頻又何事凌波盼鵲一隻鳴機千年舊樣也合從

新換却織成綃素不裁襦愛隣近霓裳袖綽前後段起句不

合調沈天羽日余讀修微此詞末句因得句云月裏霓裳何處買端從天女杼中求

醉春風代怨嘲

誰勸郎先醉窗冷燈兒背拋琴抱婢倚香幃睡睡
忘却溫柔一心只戀醉鄉滋味慚愧鞋兒謎耽閣
鴛鴦被問郎曾否脫羅衣未未想是高唐美人惜
別不容分袂

又怨思

心似當時醉眼到何時睡燈花落盡影疑冰悔悔

展轉尋思是誰催促別時偏易 無限天涯泪難定
天涯會接君尺素表離情啐啐一半模糊不如夢
裏問他真偽

天仙子

烟水蘆花愁一片箇中消息難分辨舉杯邀月不成
三君可見儂可見伊人獨與寒燈面 欲寄封箋情
有限除非做本相思傳幾回擲筆費沉吟君也念儂
也念霜韉曉路雞聲店

眉公稱此詞
爲千古絕調

風中柳

代賦

憔悴芳容祇被那人擔擱爲愁忙何曾寂寞殘膏垂
泪亦自傷離索剪頻頻不知花落 欲寄封題又怕
雁兒難托恨春光鶯花送却畫梁歸燕更雙穿簾幙
這心情好生難著

賀新郎

對月
有懷

醉裏眉難熨正秋宵半簾霜影滿林風葉攪亂閒愁
無歇處况是酒醒更絕猛拍闌干歌一闋轉調未成
聲已咽想那人此際同蕭瑟山水遠夢飛越 別來
積念從誰說喜相逢伊邇屈指尚須十日見了定應

先問取曾覺幾番耳熱又恐怕見時倉卒待寫相思
爭得似不如六字都拈出隔千里共明月

楊玉香

金陵娼家女年十五性喜讀書不與俗人
偶貴游慕之卽千金不肯破顏閩中林景
清有才情薄游金陵與妓邵三狎三乃玉
香姊也景清以三爲介盛飾訪之一見交
驩居數月景清將歸玉香流涕曰君歸勢
不能從但誓潔身以待令此軒無他人之

跡景清感其言與之引臂盟約期不相負
遂以一清名其軒兼製詞畱別云八字嬌
蛾恨不開陽臺今作望夫臺月方好處人
將別潮未平時僕已催聽囑付莫疑猜
蓬壺有路去還來珍珍一樹垂楊柳休傍
他人門戶栽景清去後玉香思之成疾不
久而卒

鷓鴣天

送景清歸閩

郎是閩南第一流胸蟠星斗氣橫秋新詞宛轉歌纔

林下詩選 卷九
畢又逐征鴻下翠樓 開錦纜上蘭舟見郎歡喜別
郎憂妾心政似長江水晝夜隨郎到福州

徐驚鴻

青樓中之有才者嘗作嘲友絕句云春風
何處覓王孫日日鳴鑣到市門不是司空
頻見慣蛾眉纔遇便消魂以此知名後爲
女冠老焉其禪悟詩云誤落風塵已有年
每思探道叩金仙羞將鳳髻重臨鏡獨挽
牛車好着鞭夢裏巫山空二六悟來法界

遍三千傷心懶憶從前事矯首長辭玳瑁

筵

臨江仙

戲題

自愛鳳頭能窄小踏春纖草剛填綺牕徙倚尚稱艱
祇堪蓮上步最懊酒中傳 豈是飛鳧仙子鳥到今
零落人間無端竊去惹人嫌毬塲荒踣蹴樂事罷鞦韆

驀山溪

贈人

白頭如故肯把須臾負縶縈幾年餘無日不形隨影

顧好時隈倚病裏更扶持比翼鳥連理枝難並雙心
固擁衾聯臂細細和伊訴暗想結交初經受過許
多挫折鍾情我輩得常伴多情綺窗下繡幃中煩惱
也成歡度

也字

楊宛

長干人字宛叔與王修微同時後歸西吳
茅氏能文詞行草皆有法著中山憲集

憶王孫

野塘風雨暗淒然隴麥青青春暮天十二闌干怕卷

簾只思眠一任遊絲著夢牽

賀聖朝影

柳枝

愁見平川帶露披晚烟迷悠悠蕩蕩欲斜欹恨依依
轉輾風前無意緒郎何處烏絲闌上寫新題倩誰
攜

又春閨

倚徧朱闌咏柳枝一絲絲無端勾引薄情兒故參差
拈得幽懷誰說與應記取悶教鸚鵡咏新詩罵郎
辭

滿宮花

暑夜與諸女郎外家宴

樹陰陰涼早早共盼月來天杪不知花裏幾多花只
覺幽香重透 露猶輕人已悄各各深情情巧盡從
花裏捉流螢一半醉眠芳草

浪淘沙

茉莉

盡日若含愁別樣嬌羞晚涼香散上簾鈎帶露摘來
斜壓鬢一夜風流 忒煞任輕柔怎耐淡秋相攜閒
對小妝樓不忍淒涼伊似我我似伊不

杏花天

半硯

光凝棐几秋窗曉正墨影香浮繚繞天畱一半心多
少只恐文章懊惱 休回首玉樓信杳靈鬼笑頑仙
怎了從今檢點中書考辜負銅臺人老

鷓鴣天

七夕後一日詠織女

迢遞佳期又早休鵲橋無計為遲畱臨風吹散鴛鴦
侶對月空思鸞鳳儔 從別後兩悠悠封題錦字倩
誰投金梭慵整愁添緒泪逐銀河不斷流

蝶戀花

月夜

門掩芙蓉誰是伴遠信悠悠望斷愁難判墜葉吹籬

急又緩清秋可惜無人管
層軒徙倚愁如線
撩月勾雲無柰因風斷
遙憶玉郎今夜半
瑤階若箇同清

玩

金人捧露盤

詠秋海棠

記春光繁華日萬花叢
正李衰桃謝匆匆
儂家姊妹妖枝艷
蕊笑東風薄情仍共春光去
惆悵庭空到
如今餘孤幹羞桃李
一園中
憐嬌妹試沐新紅恐傷
姊妹意含芳斂韻綺窗東
隣家不分去聲伊偏占
放出芙蓉

劉勝

詞見青樓韻語

蘇幕遮

恨桃花憎柳絮何事春來浪逐
東風去邂逅從君花下語
無那情痴夢裏還凝佇
楚臺風巫峽雨暮暮
朝朝無計重相遇背處偷彈
雙玉筯自笑多情畚爲
多情悞

趙彩姬

字今燕秣陵妓有集行世
檣李周履靖爲

序云今燕雖籍在青樓乃靚妝冶容夷然不屑惟是香爐茗盃把卷稱詩所交如四明沈嘉則廣陵陸無從京口鄔汝翼吳門張幼于俞羨長輩盡一時名下士卽多寒儉今燕每私爲供具至脫簪珥不辭他挾貲勢者非其好也

長相思

去悠悠意悠悠水遠山長無盡頭相思何日休 見
春愁對春羞日日春江認去舟含情空倚樓

又

愁無言悶無言夢雨無邊春意闌思君不見還阻
關山望關山倚遍欄杆芳草殘盈盈泪自彈

柳隱

字如是歸虞山錢宗伯牧齋所著有戊寅
草雲間陳大樽爲之序

夢江南 懷人

人去也人去鷺鷥洲蓄蓄結爲翡翠恨柳絲飛上鈿
箏愁羅幕早驚秋

又

人去也人去夢偏多憶昔見時多不語而今偷悔更生疎夢裏自歡娛

又

人何在人在木蘭舟總見客時常獨語更無知處在梳頭碧麗怨風流

又

人何在人在畫眉簾鸚鵡夢回青獺尾篆烟輕壓綠螺尖紅玉自纖纖

踏莎行

寄書

花痕月片愁頭恨尾臨書已是無多淚寫成忽被巧風吹巧風吹碎人兒意半簾燈焰還如夢水銷魂照箇人來矣開時須索十分思緣他小夢難尋跡

謝小濬

字中李

如夢令

舟過青浦

雨後烟光如霧九回雲峰如坐綠漲襯遙天飛破輕鷗一箇無數無數青鬢季華虛度

清平樂 閨情

良辰初到春色隨時開
粧點蛾眉因甚早人在咸陽
古道 當年曾別長亭今朝嘶馬
縈情寂寞黃昏時
候瑣窗夜夜風生

又 送別

朝來分手強起添茶酒
死別生離今是否
淚落頻沾衫袖
心情百種思量
憐他翻斷愁腸
門外潮平欲落舟人催促行裝

林下詞選卷十目錄

國朝詞

徐燦二十二首

張昊二首

吳綃三首

歸淑芬四首

項珮一首

王端淑二首

朱中楣七首

許傳媯一首

林下詞選卷十目錄

林下詞選卷十

國朝詞

徐燦

字湘蘋茂苑人陳之遴相國夫人善屬文兼精書畫詩餘真得北宋風格絕去纖佻之習其冠冕處卽李易安亦當避席不獨爲本朝第一也相國字彥升號素菴海昌人

如夢令 和韻

昨夜雨添春重滴潤小眉愁動剪剪海棠風一點殘
燈紅弄如夢如夢夢斷五更風送

卜算子 春愁

小雨做春愁愁到眉邊住道是愁心春帶來春又來
何處 屈指算花期轉眼春歸去也擬花前學惜春
春去花無據

添字浣溪沙 元夜

煖淺寒輕夜氣和踏春紅袂試織羅月似美人猶欲
睡暈紅波 懶逐香塵看火樹自牋新調當笙歌半

側流霞三兩爵不須多

西江月 感舊

剪燭閒思往事看花尚記春游侯門東去小紅樓曾
共翠娥杯酒 聞說傾城尚在可如舊日風流囟囟
彈指十三秋怎不教人白首

少年游 有感

衰楊霜遍灞陵橋何物似前朝夜來明月依然相照
還認楚宮腰 金樽半掩琵琶恨舊譜爲誰調翡翠
樓前臙脂井畔魂與落花飄

惜花陰 風雨

幾日愁風和恨雨鄉夢難教住花外燕雙飛等得他
來訴與傷心語碧雲有路須歸去青鳥書無據殘
月又模糊空照人愁沒個分明處

浪淘沙 庭樹

庭樹又秋花做弄年華滿城霜氣濕青笳眼底眉頭
愁未了去數歸鴉殘月靄窗紗莫便西斜雁聲和
夢落天涯渺渺濛濛雲一縷可是還家

南鄉子 秋雨

秋氣試初寒一片鄉心點滴間滴到湘江多是泪珊
珊染得無情竹也斑百和夜香殘喚起征鴻行路
難夢裏江南秋尚好般般紅蓼黃花次第看

一斛珠 有懷故園

恁般便過元宵了踏歌聲杳二月燕臺猶白草風雨
寒闌何處邀春好吳儂只合江南老雪裏枝枝紅
意蚤窗俯碧湖雲半嫋繡幙纔舉一枕梅香透

惜分釵 旅懷

移春檻芳菲黯詠絮才情渾欲減記江南熟吳蚕芍

藥開時花滿澄潭探探 身長汎花相賺新來漸把
閒愁懣夢魂甘是烟嵐西子湖頭結個花龕叅叅

踏莎行 初春

芳草纔芽梨花未雨春魂已作天涯絮晶簾宛轉爲
誰垂金衣飛上櫻桃樹 故國茫茫扁舟何許夕陽
一片紅流去碧雲猶疊舊河山月痕休到深深處

一剪梅 傷別

春光九十已全拋送也魂消畱也魂消東君傳語謝
嬌嬈去也無聊住也無聊 玉床香被展輕綃長也

今宵短也今宵愁紅林怕綠陰交早也明朝遲也明
朝

臨江仙 繫舟

寂寞汀洲春欲暮數聲杜宇帆收夕陽斜繫小孤舟
綠沉嘶馬路紅點傍人頭 烟柳易殘人易老幾多
閒悶閒愁淡雲朦月伴魚鈎一春消息事已付水中
鷗

又 病中寄素菴

病枕不知寒日午起來愁雪瀰漫玉紅殘紙膩雙鸞

木下詞選 卷十 四
懨懨半息強寫報平安 幾日離愁愁未了今朝又
上眉端丁寧春老且爲歡薰風雖軟莫便試輕紈

唐多令 感懷

玉笛送清秋紅蕉露未收晚香殘莫倚高樓寒月羈
人同是客偏伴我住幽州 小院入邊愁金戈滿舊
游問五湖那有扁舟夢裏江聲和泪咽曾不向故園
流

蘇幙遮 秋老

雨深深秋漸老舊苑新花莫問愁多少玉爪侵絃寒

料峭纔奏南音陣陣風驚攪 袖紅單屏翠小剪剪
清霜不許芙蓉好故國烟蕪昏復曉尚有青山強向
江城遠

青玉案 弔古

傷心悞到蕪城路攜血淚無揮處平月模糊霜幾樹
紫簫低遠翠翹明滅隱隱羊車度 鯨波碧浸橫江
鎖故壘蕭蕭蘆荻浦烟水不知人事錯戈舡千里降
帆一片莫怨蓮花步

御街行

燕京元夜

華燈看罷移香屨正御陌遊塵絕素裳粉袂玉爲容
人月都無分別丹樓雲淡金門霜冷纖手摩娑怯
三橋宛轉凌波躡歛翠黛低回說年年長向鳳城游
曾望蕊珠宮闕星橋雲爛火城日近踏遍天街月

滿江紅 感事

過眼韶華淒淒又涼秋時節聽是處搗衣聲急陣鴻
悽切往事堪悲聞玉樹採蓮歌杳啼鴉血嘆當年富
貴已東流金甌缺 風共雨何曾歇翹首望鄉關日
看金戈滿地萬山雲疊斧鉞行邊遺恨在樓船橫海
隨波滅到而今空有斷腸碑英雄業

念奴嬌

西湖雨感
次素菴韻

雨窗閒話笑浮生何限是非今昨幾遍青山酬對好
依舊黛眉當閣灑道輪香潤花杯滿不似前秋惡繡
簾纔捲一樓空翠迴薄 擬泛烟中片葉但兩湖佳
處任風吹泊山水清音聽未了隱岸玉箏金索頭上
催詩枕邊滴夢慢惜瑤卮落相看不厭兩峰天際孤

削

水龍吟 春閨

木下詩選 卷一 六
隔花深處聞鶯瑣窗一霎東風驟濃陰似慢飛紅堆
砌殿春時候送晚微寒將歸雙燕去來迤逗想冰絃
悽鶴寶釵分鳳別時語無還有怕聽玉壺催漏滿
珠簾月和烟瘦湘雲捲恨春波釀泪爲誰眉皺夢裏
憐香燈前顧影一番消受恰無聊問取花枝人長悶
花愁否

永遇樂 病中

翠帳生寒玉爐烟細病懷如許永晝慙慙黃昏悄悄
煞是無情緒薄倖楊花多情燕子時向瑣窗細語怨

東風一夕無端狼藉幾番紅雨 曲曲闌干沉沉簾
幕嫩草王孫歸路短夢飛雲冷香侵佩別有傷心處
半暖微寒欲晴還雨消得許多愁否春來也愁隨春
長宵放春歸去

張昊

字槎雲錢唐人張祖望妹適胡大滌所著
有趨庭詠行世詩餘止二闕綿緲多情自
不易得

虞美人

楓林昨夜多風雨籬菊欹新露疎枝無力倚西風這
是斷腸花瘦與人同憑欄不語心何已又見唵蟲
起今年何事忽多愁怪底淒淒風雨暗層樓

蝶戀花

午日

佳節薰風何太好曉色晴明競渡遊人早公子韶華
開大道馬蹄踏碎閒花草柳上黃鸝聲未老蕩漾
湖波忽自傷懷抱豈爲春光歸別島斑衣零落添子
惱

吳綃

字冰仙一字片霞號素公長洲人別駕吳
水蒼女適琴川許文玉進士能詩屬文兼
以書畫著名有嘯雪菴稿行於世詞清超
雋拔絕無纖媚之態想見大家舉止

憶王孫

寒粘風急搗衣秋木落聲中人倚樓月午涼陰滿地
愁夢悠悠一夜江南千里舟

醉花陰

游子天涯音信久盼到西風瘦昨夜夢兒圓只道郎

歸翠幄熏香透 覺來依舊黃昏後有迢迢更漏報
道睡來些好夢難憑索性天明候

疎簾淡月

霽收烟霽見淡月疎簾芳心欲碎聲斷玉簫鳳遠秦
樓如水淒淒畫角殘更遲去聲香篝冷熏消鴛被孤燈
昏照三星慘烈欄杆徙倚 嘆寂寞長門淡閉紅巾
泪染黃花憔悴屏掩西風寒悄歸期垂切花牋難綴
離情味託行雲馳神千里鸞音盼斷陽臺夢隔躊躇
無寐

歸淑芬

字素英嘉興人文學高陽室偕隱花村所
著有雲和閣二集又與秋涇黃月輝德貞
吳門申蘭芳蕙共輯名閨詩選歸自爲序

如夢令

春閨

數日珠簾慵捲檻外初來新燕繡袂倚朱欄春暖風
吹人倦人倦人倦且向海棠消遣

點絳脣

晨粧

漫展香奩鏡前巧畫青山遠綠鬟粉面寶髻添珠鈿

繡袂紅綃玉臂雙金釧輕羅扇花羞難見落雁低
聲囀

憶秦娥 暮春

春光驟惜花憔悴蛾眉縐蛾眉縐碧天依舊翠筠新
茂草茵花落鮮如繡鴛鴦蹴水荷錢逗荷錢逗柳
絲分線鸚梭織就

遶佛閣 喜參同菴新
建大悲樓

法雲普覆雙溪水遶新築燿燦高閣孤聳一燈遠映
梵音到花畔桂香又遍招隱作伴深塲幽境時臥遊

玩夢魂繚繞鴻飛少芳翰 病客最踈懶暮喚蓮蓮
滌古硯還是檢書伊唔常目眩待臘盡春來重赴禪
院此時登殿緩步女叢林積懷頗展綠陰堪聽黃鶯
囀 自註云蓮
蓮侍兒名

項珮

字吹聆秀水人適同邑吳統持統持字巨
手浙中名士少時作迴文詩一百韻極爲

人膾炙

桃源憶故人 聞巨
手歸

東風似惜離顏瘦不許紗窗輕皺吹得梅芽香透纔
是郎歸候 問儂低事郎歸候買幅生綃重繡花影
雙雙當晝莫遣離情又

王端淑

字玉映山陰人禮侍季重先生之女適太
史丁文忠公子司理聖肇所著有吟紅畱
篋恒心諸集輯名媛文緯詩緯歷代帝王
后妃古今年號名史愚行世今僑居武林
以詩文自娛東南閨閣之中允爲稱首矣

浣溪沙

春閨

澹綠輕紅掩畫樓珠簾盡日下金鈎玉人鸞鏡倦梳
頭 春老夢尋芳草路消魂人在木蘭舟月明何處
弄筓篔

解語花

贈沈繹堂侍講典試

帝心隆眷文采千秋珠玉光爭射典儀風雅飄丹桂
月闕梯雲先駕班揚阮謝看桃李巍然聲價不勝衣
金帶垂腰楚楚惟盈把 此際鳳池清夜有瑞烟銀
燭瀛署盃斝宮槐瑤榭龍蛇字風雨也堪驚怕香塵

似麝歸朝去綸音重下東閣開新築沙堤待沐昇平
化

朱中楣

字遠山南昌人司馬李元鼎梅公夫人著
有石園五集牧齋錢宗伯爲序雪堂熊少
宰稱其詩餘穠纖倩麗不減易安近日陳
伯璣李雲田遴選國雅海內閨秀僅得二
人惟夫人與黃偕令而已

如夢令

懷歸

何處香風暗透又是中秋時候帶月捲簾窺眉映碧
波紋皺消瘦消瘦惟有燕山依舊

又詠嬌
小

自小嬌憨親縱惱著情兒沒縫萬喚只低頭故故嗔
人珍重如夢如夢姊妹仙行居仲

又悼媳
陳氏

愁砌一腔新悶萬斛千航難盛何處最傷情兒向書
幃誰問孤另孤另應掩關誰不詠

菩薩蠻

閏春

惜春自是因春瘦欲寫新詞應未就人苦戀春情春
歸不戀人春道歸非早百二還嫌少人不解春情
反云春撇人

西江月閒庭睹小貓數箇
潔白可人戲賦

彌月狸奴堪玩新池魚婢應忙時時偷覷水中央
在薔薇架上臥似綠茵滯雪颺疑錦慢飛霜穿林
箇箇染清香撲着蟲兒誰讓

又暮春
雨後

細雨欲收春去殘花暗約鶯留無心閑翫強登樓陌

上遊人還有泥滑難將舊恨提壺喚起新愁天涯
芳草共悠悠爲問海棠誰瘦

南鄉子送熊雪堂少宰年
嫂杜猗蘭南旋

秋色淡晴光又聽呢喃話別長隨趁尊鱸歸去早稱
觴帆曳西風遠芰香何日逐歸櫓不爲驚秋淚染
裳雁足那堪傳客信悲傷眉黛愁牽酒數行

附杜猗蘭題辭

爾其燕闕蒼茫潞河蕭瑟人歸落雁思發尊鱸舟
容與於寒流車透迤於遠道莫不詩歌蘇李酒暎
琉璃慶易水之生還羨鑑湖之得請乃有名媛實
儲天族詞鑄玉琯色豔瓊葩惜聯珮於香奩恨分
攜於桂楫畱連北渚調寄南鄉刻燭華敷集繡珠

瑩意蓋飛從碧落情霄迥出丹霞芙蓉雙頰澹染
秋旻楊柳一灣孤憐夜泊筆韻蕭森蘊雲開之秀
逸篆文璀璨存石鼓之莊嚴於時薄烟生野皓月
臨軒望翠憶之將歸挹彩毫之飛動宛彼麻姑暫
臨經舍叮嚀青鳥復反瑤池無才屬和等白雪與
陽春畢世珍藏陋階珠與荆壁云爾丙戌之秋同
里熊門杜猗蘭

題於潞河舟次

杜猗蘭爲熊雪堂少宰廣陵內君也共丁國變周
旋患難不啻手足丙戌秋月猗蘭隨少宰得請南
歸余偶製南鄉詞送別都門淚落沾襟猗蘭潞河
發舟寄余此敘心誠愧之往來胸臆今且數年於
茲矣因以小詞災木借冠於首以記余兩人離合
之歲月非敢如三都之重左思太玄之擬桓譚也

甲午立冬
日遠山識

千秋歲 春雪

瓊花飄砌點額新妝媚微雨間輕風起同雲迷雁杳
繡閣添香沸囊罄也惟餘薄釀還堪醉 幸識貧滋
味衙舍清如水冰欲泮寒應已心隨殘夢遠意攪繁
英碎春又也人歸不似春歸易

滿江紅

丁酉仲夏讀陳素菴夫人詩餘感和

乍雨還晴怨怨天無分別更那堪淮流涇水共人
悲咽佳節每從愁裏過清光又向雲中沒惟啼痕欲
續調難成柔腸絕 花弄影紅殘纈冰荷覆瑤琴歇
問梁間燕子共誰淒切舉目關河空拭淚傷心杯酒

空邀月歎人生如夢許多般皆虛擲

許傳媽

餘杭人鄴令鮑之汾配

春光好 咏梅

歌翠羽暮烟濃冷香中雪滿深山樹欲空月光溶

姑射仙人體素漢家公主肌鬆受盡一番寒色醉春

風

林下詞選卷十一目錄

國朝詞

黃媛介五首

董如蘭四首

沈憲英五首

周慧貞一首

鍾青四首

吳森札五首

章有湘一首

吳琪四首

申蕙二首

趙氏一首

張蘩二首

陳潔一首

錢涓四首

王仙媛二首

吳懷鳳一首

翁與淑二首

吳樞閣三首

張鴻廡三首

方笙二首

方佺二首

林下詞選卷十一目錄

林下詞選卷十一

國朝詞

黃媛介

字皆令嘉興人楊世功室久以詩文擅名

其書畫亦為世所珍嘗作離隱歌序云予

產自清門歸于素士兄姊名媛雅好文墨

自少慕之乃自乙酉逢亂被劫轉徙吳閫

羈遲白下後入金沙閉跡墻東琴張居雖

衣食取資于翰墨而聲影未出于衡門古

有朝隱市隱漁隱樵隱予迨以離索之懷
成其肥遁之志焉將還省母爰作長歌題
曰離隱歸示家兄或者無曹妹續史之才
庶幾免蔡琰居身之玷云爾

長相思 春暮

風滿樓雨滿樓風雨年年無了休餘香冷似秋
賣花聲賣花舟萬紫千紅總是愁春流難斷頭

又

春日飲
間觀

花滿欄葉滿欄人醉言歸情未闌兩都來相見難
道

如蘭氣如蘭隨在雲山日一竿離心江上看

菩薩蠻 秋思

芙蓉花發藏香露白雲慘淡關山路愁思惹秋衣滿
庭黃葉飛 繡閣簾初捲夢在離人遠秋雨又如烟
魂銷似去年

臨江仙 秋日

庭竹蕭蕭常對影捲簾幽草初分羅衣香褪懶重薰
有愁憎語燕無事數歸雲 秋雨欲來風未起芭蕉
淡掩重門海棠無語伴消魂碧山生遠夢新水漲平

村

金菊對芙蓉

答宗姊月暉見懷之作

五易星霜兩遷村墅思君幾許魂消看燕來雁去夢
斷音遙兵戈路絕空相念惟虛却月夕花朝還家一
載城隅輕隔似阻江湖感伊投我瓊瑤羨珠光溜
彩玉韻含韶恨未能攜手愁寄織毫君家梅竹猶堪
賞待相逢斗酒重澆春光未老花香正美離思空勞

董如蘭

字晚仙雲間人松陵孫志儒進士繼配詞

意悲壯閨閣中之有俠氣者雜之稼軒集

中正復難辯所著有秋園集

浣溪沙

溪花

小立崖前支曉風宜人偏在露華濃盈盈臨水自矜
容翠鳥啄餘青莖子游鱗疑狎粉香叢蓬窗撩亂

畫圖中

大江東去

歸思

羈人情緒似禽魚誤入絲籠難出極目鄉關何處是
雲樹蒼烟遙隔不敢哀號恐驚腸斷默默空悽惻自

家兒女怎教他個憐惜 應嘆兩字功名半生勞頓
堪笑還堪咄離別傷心夢中相聚後醒來悲泣悞我
歸期欺他歸約各度如年日君平頻問故園何日歸
得

又前題

憂深如病萬千愁欲說傷心還歇是歲三春挨過了
怎使重挨夏月將近初秋歸鞭未整酷日同心熱啼
痕新舊積來猶勝鵲血 千里有限關河無窮荆棘
魚雁難飛越異日相逢須記取今後再休輕別魂夢

堪憐朝朝暮暮不解辭登涉他時歸去定教真個歡
悅

又午日和韻

端陽重遇可應是輾轉天高難越炫日葵榴疑是泪
觸景偏增嗚咽三載離鄉兩經兵火辜負芳時節五
絲續命寸腸應被千結 休問鼓吹誰家龍標何處
風鶴成驚怯魂夢飛揚傍人須訝道鬢斑形劣漁父
忘言泪羅畱恨醉醒憑人說伶仃兒女有誰爲我疼
熱

沈憲英

字惠思一字蘭支松陵人中翰沈自炳女
適葉虞部仲韶第三子世俗與沈宛君又
嫡姑姪也所著甚富饒有家風

點絳脣

早春

簾幕輕寒斷腸漸入東風片遊絲千線難挽離愁半
小立迴廊劃損雕闌面春誰見梅花開遍烟鎖深
深院

虞美人

畱別蘭
餘妹

白雲掩映青山老鬢入霜華早今宵且醉画屏前明
日還移小艇綠楊烟 黃昏細雨重門鎖挑盡孤燈
火斷腸無處問天公夢逐陌頭芳草付殘紅

滿庭芳

中秋同六嬪及
素嘉甥女坐月

螢火流空蛩吟向夕水輪碾破瑤天香飄雲外桂子
靜娟娟對月幾人無恙多半隔遠樹蒼烟難逢是一
庭聯袂把盞看重圓 無限淒涼况含毫欲寫累紙
盈箋任金風拂面玉露侵肩還惜良宵景促無繩繫
皓魄長懸應飛去廣寒宮裏清影共愁眠

水龍吟

胥江競渡

薰風池館新篁茶縻香盡驚梅雨
紈扇初裁羅衣乍試又逢重午
萬戶千門遊人如蟻爭懸艾虎
看碧蒲縈恨紅榴沾醉似續離騷
舊譜惆悵韶華易換最關心
畫船簫鼓當年沉水今朝競渡
依然荆楚抉目城邊捧心臺畔
恨垂千古霎時間惟有清江一曲
綠簑漁父

又哭少君姑姑以沉水炷

水晶深處瓊樓湘風半捲鮫綃
軟桂旗翠陌平沙碧

草瑤天烟煖寶柱絃哀曲終人杳
晚江清淺奈芳菲極目雲霞未賞
都倩靈妃遊伴寂寞楚山高遠聽
啼猿一聲腸斷鏡消菱月釵沉蘭
霧霎時分散恨逐波香愁隨浪影
一天幽懣歎銷魂正是白蘋黃葉
暮鴻影亂

周慧貞

字挹芬松陵人周文亨女適秀水
黃鳳藻

風入松

述懷

幾回惆悵厭臨鸞扶病倚闌干
逢人懶整雲鬟亂眉

兒淡畱待郎看消瘦不禁搖扇遣情聊把琴彈
水絃理罷展琅玕描寫恨千端雙雙飛落簷前燕
唧泥轉故故成歡何事比來輕去夜深不得團圓

鍾青

字山容蔡里人所著有寒香集其詞淡冶
孫夫人之流亞歟

如夢令

五月十五夜

皓月柳梢堪戀風散榴花片片總是一情癡可惜流
光如電倚遍倚遍花影遮人半面

西溪子

梨花

淡蕩相宜月下媚態光宜朝夜曲欄邊人不見愁無
限錯嫁東風難戀零落曉枝頭一春休

浪淘沙

寄眉令妹

寂寞久臨風歛步從容春來懶玩小墻東怕他撩亂
花飛處芳草茸茸憶別恨匆匆失語無窮何如那
日莫相逢可惜一番光景好心與誰同

惜分釵

海棠

情難判春時半東風愛拂初醒面曉烟籠碧霞容態

若輕雲醉舞騰空溶溶 何人伴腸應斷疑嗔疑笑
胭脂淺思無窮恨誰同月色扶來夢入閨中重重

吳森札

字文照號瀟湘居士松陵人爲孝廉吳公
澁女也賦性喜讀書坐禪所著有小瀟湘

集

望江南

別情

人去也晚霽送行舟欲倩遠山畱落日待登高閣怯
新秋滿目是離愁

菩薩蠻

晚沐
和韻

晚風乍引新涼入捲簾慵向粧臺立日影下西廂小
池齒菡香解鬟輕貼地蘭沐香縈臂莫便棄殘膏
還將潤玉搔

又

賦得願在
髮而爲澤

羅幃夢覺孤衾冷綠雲斜擁珊瑚枕強起翠鬟偏梅
花點額前堆鴉香澤潤雙燕釵頭鬪影破海棠枝
蜂窺蝶又知

鳳凰臺上憶吹簫

代作
閨情

風淡烟濃困人天氣被池香煖貪眠惱曉鶯啼破春
夢闌珊強起悄登粧閣無限恨都上眉尖漫贏得鏡
中人對着意相憐 慙慙愁成病也任雲鬢蓬鬆懶
整花鈿把鳳釵輕擲日日虛占無奈青鸞信杳憑欄
望泪眼幾穿春郊外馬嘶芳草常認歸鞭

綺羅香

賦得願在
衣而爲領

一幅鮫綃幾回忖量拈却繡刀裁剪穩貼雙肩試把
芙蓉扣掩臨寶鏡顧影端詳啓珠箔畏人偷見漫尋
春蝶慕蜂憐芳心猶恐衣香淺 方繡重封香窄怕

新來寬腿瓊姿銷減倦壓鴛衾蘭麝休教再染愁春
去怨雨啼雲惜花殘香柔紅軟解羅衫收拾熏籠甚
心情更展

章有湘

字玉筐華亭人適皖城孫振公有澄心堂
詩稿行世與妹有渭字玉璜並有才名

浣溪沙

旅懷

此夜難分怨曉鐘夢魂偏又到吳淞愁情先上兩眉
峰 滄海一身臨遠道蘭橈千里破長風可憐回首

隔江東

吳琪

字蓋仙長洲人與冰仙為女兄弟其詞幽
逸似得源於山谷者

夢江南

暮景

深院靜漠漠晚雲青遠樹星低螢火亂
畫簾風淡燕飛輕樓外坐調箏

踏莎行

不願為鶯何須似燕也休派做鴛鴦
伴空山松雪半

生宜蒲團夢影隨雲便鶴舞閒庭香
飛画卷楞嚴讀罷桐陰轉蓮冠未解
道人粧羽衣新樣梨花片

玉樓春

山樓

山影入樓剛尺許巷柳陰濃吹作雨
簾低不礙野雲飛窗小只容憨燕舞
又看明月松梢住漁夢江邊無覓處
白鷗期我且休歸故園自有鶯花主

蝶戀花

淡月溶溶花映綠琴底離愁葉落
相思曲頻整羅裳檀鈕束碧紗明滅
紅膏燭玉漏聲聲催夜促斗帳

蓮鈎半掛鸞綃幅倚枕夢成風曉觸翠屏斜影窗前
竹

申蕙

字蘭芳蘇州人申胤榮女有縫雲閣集

長相思

贈黃月輝
孫夫人

鴛水流涇水流冰玉才高並斗牛芳名邑乘畱桂

影浮月影浮蕉夢詩篇重十洲貞操比栢舟操平聲

又秋吟

月滿衣葉滿衣玉漏初沉銀漢低砧聲到竹扉事

已非人已非滿目淒涼何日歸魂消夢亦稀

趙氏

錢唐人觀察趙廷標女適海昌查容有詩

稿行世詞則僅傳此一闕於松陵吳聞璋

唾香閣中火浣寸絲知為世寶也

燭影搖紅

瑤瑟聲悲洞庭落木秋風急蘭旌桂棹水中央渺渺
烟波隔獨倚危樓百尺正黃昏長天一色汀沙月淡
野戍烽高寒山凝碧雙鯉沉浮錦書三載無消息

江南江北折垂楊歷亂愁如織歲暮虛傳畫鷁浪花
殘蓮歌寂寂雲迷翠羽露冷瓊枝流光暗擲

張縈

字采于長洲人張天一妹吳士安室其詞
品似吳淑姬一流當與陽春白雪並傳

清平樂

憶姊

重門深閉聽盡黃梅雨千遍懷人慵未起魂斷臨岐
別際一天離恨分開同攜一半歸來日暮孤舟江
上夜深燈火樓臺

江城子

久雨憶
滌菴姊

湘簾不捲雨濛濛鏡臺封曉粧慵春山休染一任淡
眉峰脉脉離情曾未慣百里外有人同盈盈一水
隔難通思無窮憶相逢記得臨岐攜手話匆匆欲倩
春潮和淚點流取去到吳淞

陳縈

字澣心海昌人相國陳素庵胞妹歸禾城

屠氏

雨零鈴

題外姪女
屠瑤芳像

凌波纖影向瑤墀畔飛渡巫嶺娉婷格韻如許更難
逗處蘭心耿耿蕙質從教染翰盡騷壇標挺痛嫋嫋
倩盼嫣然曉露盈盈雲外冷 人生年少無多景最
那堪空對芳顏哽半輪皎月斜照梅花下倍添寂靜
此意千秋都付丹青點綴成靚真個是萬疊愁腸儘
托蒼烟冥

錢涓

字褰文鴛水人孝廉錢泮女適平湖薛雍
可著有抱雪吟自爲序其畧云聞之登高

能賦遇物能銘文人伎倆豈巾幗所有事
然性之所近自不能已憶予甫離襁褓先
子之教子一如所以教子者予遂得優游
寢息於藝林雖東觀圖書未窮十乘而西
崑簡冊聊見一班旣婦薛君奉事舅姑而
外卽與校讐史籍商略風雅樂此不疲忘
年永日何圖不祿中道棄捐伯也遼鶴游
魂未還華表子也孤鸞隻影愁對菱花間
以風雨飄飄破巢取子憂心惓惓無復好

懷自分雅宗墮地翰墨無傳而臭味難忘
 時形咏嘆或爐烟一剪或燈炷半篝或瀟
 瀟浙浙雨撲窗櫺或膠膠啾啾雞催曙且
 思以情生情因境出長吟短謠予將假是
 為忘憂萱草焉用是不揣固陋從事殺青
 就正大方集成顏曰抱雪以余熒熒未亾
 甘向終南陰嶺伴老雪蛆是又區區欲見
 之素心也

相見歡

山園

堦前雲補蒼苔襯花開窈窕朱闌碧戶似天台 山
 一帶水一派足徘徊滿目畫耶詩也費安排

菩薩蠻

蜂蝶

窺紅惹綠身兒小飛飛慣入芳林擾伊也點鴉黃個
 兮淺淡粧 樹頭春意鬧翻逐隣家悄風度遠花香
 知他飛那廂

清平樂

臘梅

峭寒方甚葢破枝頭嫩獨喜傲霜無瘦損另是一家
 風韻 游蜂釀蜜來賒翻疑螭染成花日映隔簾金

碎暗香透入窗紗

秋波媚

芙蓉

豔質誰教托渚洲寂寞更誰儔半竿落日幾行征雁
數葉歸舟那堪風雨頻相如紅粉逐波流深深綺
閣盈盈羅帳又控金鈎

王仙媛

仁和人韓克之室

憶王孫

芙蓉

輕紅淡粉別鮮妍開遍盈盈秋暮天嬌逞風流似鏡

前惜朱顏孤另寒江最可憐

生查子

秋閨

花香愛捲簾月淡多清暇獨自倚紅樓片片霞光射
暮雀亂深林昏靄愁長夜霜冷玉琴收小膽空幃

怕

吳懷鳳

字梧閣桐城人大司馬吳用先孫女適楊

氏少寡

鷓鴣天

幾許情懷恨未完花枝常向病中看漸依人面春雲
薄欲拾榆錢夜月殘 愁沒緒思無端低徊鎮日自
憑欄東風芳草渾無賴弱質偏教耐晚寒

翁與淑

字登子仁和大叅周野公孫也適餘杭
陸進著有巢青閣詩詞早歿其姊少君亦
有詩名

聯環結

秋夜

淺雲行散紅霞斂斂霞紅散行雲淺中可月亭空空

亭月可中 砌蛩吟雨細細雨唵蛩砌燈燼欲闌更
更闌欲燼燈

賣花聲

新夏雨
窗病懷

窗外雨潺潺羅袂生寒困人天氣怯衣單我病伴愁
愁伴我愁病雙關 睡起黯無言強自憑闌簷聲又
逐身綿蠻天亦淋漓無奈也泪叠雲山

吳樞閣

樞閣字允宜桐城人中翰吳澹菴女孫賦
性幽閒能詩詞工書畫適同邑方雲駿雲

駿字又申爲大學士坦菴公之孫孝廉與
三之子孝廉卽中翰之壻樞閣與又申原
屬溫家姑表彼唱此隨兄先妹後又過梁
孟遠矣

長命女

春日閒吟

東風悄女伴鞦韆雙拜巧花落春應少
意倦思歸
畫閣撲蝶輕紈力小額上梅花粧謝了眉淡呼郎掃

鷓鴣天

送夫子遊吳越

曉起牽衣強送行承歡客邸和臯鳴秋江一路芙蓉

艷竝蒂花開獨有情
吳水白越山青西湖花月虎
丘燈蘭橈到處都佳境囊裏應多憶內吟

踏莎行

送春

鶯老紅殘綠垂滿樹匆匆又送春光去問春何事去
忙忙樓頭燕把歸心訴
雨壓梨雲風翻柳絮晚鐘
將到摧天暮再來端的嶺梅開花間坐臥休還誤

張鴻廡

字淑舟當塗人尚寶卿張貞菴女孫孝廉
中嚴女天姿敏慧賦性端淑能詩詞有案

廊間草紙閣初集各數卷適桐城方念祖
宇文房爲學士坦菴公孫孝廉與三子

一剪梅

白海棠

玉影盈階映月痕一片溪雲幾點梨雲隔簾風細送
香溫猜是湘君又擬文君却比春花迥不羣蜂也
難驚蝶也難驚鉛華洗淨倍芳芬開也銷魂落也銷
魂

眼兒嬌

嬌允宜繪
筆相謝

宵中端的有煙霞巖壑意無涯西湖塘畔山陰道上

樹裏人家如花人愛筆生花墨瀋散奇葩夫人姓
管夫人姓衛俱未堪誇

柳梢青

丁巳元旦
兼寄夫子

綠蟻椒觴聲聲爆竹驚起東皇瑞靄寒輕風和香軟
共試新妝畫簾日影初長鳥啼處梅花弄香芳草
王孫垂楊行客費盡思量

方笙

字豫賓桐城方與三之次女也少小好文
墨七歲能詩時人有訊絮之稱適周在建

榕客爲少司農櫟園公第三子

卜算子

海棠

笑幾日秋風便把容光瀉
弄粉施朱繡出來千萬真
無價
含笑向籬邊欲語依茅舍
初沐楊妃酒乍醒
顰立斜陽下

明月棹孤舟

春閨

春帶愁來花事早
惜花那不愁春老
一枕風聲半窗
雨響定是落英時了
曉起卷簾心草草
無端却被
花相惱
若箇煙寒這翻香冷
又動閒情多少

方佺

字允吉係與三方君少女隨諸兄姊庭闈
唱和十歲成集適吳芑黍谷卽澹菴之長
孫中表世姻玉鏡臺稱幾葉矣

錦堂春

立春

昨日臘殘椒酒今宵冰解東風一年花事從頭起
次第看欹紅
梅綻香飛宮額柳開翠壓眉峰
小廊長
日添如線春色繡簾櫳

蝶戀花

秋月

林一詩選 卷二 九
漠漠清光千萬里雲擁冰輪一片輕如紙借問嫦娥
何若此只應長伴愁人爾 照徹陶籬黃共紫漸漸
梅梢影亂橫塘水睡熟芙蓉誰喚起寒螿聲裏啼殘
矣

林下詞選卷十二目錄

國朝詞

龐蕙纒七首

黃德貞八首

孫蘭媛五首

孫蕙媛二首

屠蒞珮三首

吳貞閨一首

吳靜閨二首

葛宜一首

沈關關一首

顧道喜三首

許定需二首

許心榛三首

許心碧一首

許心檀二首

許心澧一首

于啓璋三首

喻然三首

林下詞選卷十二目錄

林下詞選卷十二

國朝詞

龐蕙纒

字紉芳一字小畹吳江人進士龐彩妹工
 臨池筆法道勁能書扁額詩久著名歸同
 邑吳君鏘字聞璋偕隱泉石賦詩自娛龐
 有句云常同做帖凌晨起每伴敲詩午夜
 眠唱隨之樂可想見矣著有唾香閣集

如夢令

春閨

春到韶光堪戀妬殺画梁雙燕粧罷捲珠簾遲日和
風吹面人倦人倦無數落花庭院

浣溪沙 夏日

綠映亭臺薄暮天薰風寂靜小庭前暗香浮動一池
蓮柳絮紛紛飄畫檻桐花點點墮湘簾紗窗雨過
却慵眠

少年游 重午娶婦偶成

鳳冠初卸龍舟正渡佳節恰新婚羨遣姑嘗拜隨堂
上紅燭昨宵停葵榴艾虎曉粧纔竟深淺畫眉痕

願來年此日兒生鎮惡客滿孟嘗門 願字

鷓鴣天 病中聞家慈同元
姨爲余誦經誌感

終歲慙慙怯往還盈盈兩袖泪痕潛一心解織愁千
縷雙鬢慵梳月半彎鴛被冷瑣窗寒翻經画閣戲
紅顏枕函稽首殷勤意不盡箋題寄小鬟

滿江紅 嘉禾李孝貞女終身不字以養其父一
時播紳先生言之詳矣其兄子荅廣徵
各作以表章之尤有古
人之風焉因爲賦此

地老天荒重翻過鴛湖春色記當日白衣來夢前身
西極 事見本傳 千古男兒忙不了一時閨閣輕收得笑緹

紫綬急請從行真成激 曹娥恨江猶黑陶嬰志環

空碧想呼蒼哀顛藥鑄朱實女父病呼天願以身代

服之淚澗楓根終有痛魂棲椿樹知何日聽城南夜

夜杜鵑啼催明月

塞垣春代明妃怨

塞馬嘶平野正四處悲風卸天南極望亂雲滿目珠

淚偷瀉正黯然鄉思滿懷也更羌管鳴秋夜想蛾眉

漢宮欲妒沙場巧相嫁 無計問君王可猶把嬋娟

縈掛縱漢使頻迴奈長恨難寫嘆何時故國重見待

安排歸夢清宵下怨寄琵琶裏單于應淚灑想字

沁園春仲春爲二姝三十初度

曉鏡初開喜傍粧臺日上花梢看梅痕雖淡尚飄積

雪柳綿未吐遍拂長條風送紅香烟凝翠黛春到簾

櫳淑景饒風光好正筵前燕喜窗外鸞嬌 蘭芳玉

映堪描許謝女班姬第一標任荆臺歌舞低頭織錦

秦樓夜月並坐吹簫甲子平分花朝前後寶瑟瑤琴

逸韻調閨中近羨霞觴引滿人在雲霄

黃德貞

字月輝嘉興人司李黃守正孫女孫曾楠
室工詩賦與歸素英輩為詞壇主持共輯
名閨詩選行世二女蘭媛蕙媛俱能文子
渭璜亦名下士所著有劈蓮辭

花嬌女送皆令
之西冷

芳草織前谿去路迷絲絲柳難繫片帆西

踏歌辭送皆令
北遊

飛絮縈香閣橫波遶畫簾都將煩惱意付與別離舡
白雪長安聲價重盼瑤天

調笑令織女天星也世人輒以
七夕事相誣余為正之

銀河迢遞東復西雙星應笑鵲橋低貫月槎浮天
駟外支機石與玉繩齊二萬通錢年月遠可知天
帝何曾管紅綃香幕駕鸞車乞巧情多容繾綣
繾綣雙星燦浪說烏填營室畔人間天上情應判祇
覺徒增詆訕潔清織女停梭怨詞客從今須辨

女冠子訪女
道者

石床瑟冷獨坐還憐香影翠嵐重南嶽夫人廟緱山
仙女宮 道超塵埃外名藉絳霄中塵塵松風裏世

緣空

雨中花慢

游北山草堂看九松

鱗水喬松秀挺鬱蟠北山堂構清幽羨亭臺依舊溪
石臨流九老風規楚楚千尋品地悠悠任凌霜濯雪
凝露餐霞青映丹丘韶華轉瞬紅紫空妍故人何
處瓊樓祇趁取芳時登眺緩步夷猶選勝濡毫蘭徑
忘歸問鶴汀洲聽濤軒外徘徊好景欲去還畱

望海潮

乍浦天妃宮觀潮

扶桑縹緲霓光龍采金宮柱砥銀濤烽堠星羅營屯

碁布驚看鯨浪岌嶮萬疊舞蛟綃恍瓊鰲駕水白馬
凌霄一蹴春霆千尋秋雪勢滔滔幾迴目眩魂搖
羨東南形勝奇絕神臯雲珮莊嚴繡幢屹峙滄波晝
夜騰驕浴日海門潮更昏微朏時共盈消聞說蓬
瀛鼉梁虛駕笑秦橋

玉女搖仙珮

所著詩餘補入琴譜喜賦

偶摘詞藻未別宮商忽聽琳瑯佳操助我清音悠然
淡韻恍若鶴鳴霜曉如竹梳風響似荷彈雨點秋聲
寒悄想當日登臨懷古惟閒霽景相照但隨意舖排

不計焦桐十分叶調 自笑踈簾邃閣滌硯焚香舒
寫閒情幽抱數息起時持經餘暇幾駭冰絃清嫋律
呂通奇奧可知我銷却光陰多少喜白髮高吟不朽
軫前徽下指能解語流泉繞含宮嚼徵詞源灝

鸞啼序

西湖懷古

蘇堤柳下維画舸凭闌遠眺嘆西陵賣斷繁華兩峰
螺黛如掃憶往日香車油壁六橋三竺青葱好更桂
香荷艷玻璃冷浸霞曉 洪谷興酣北苑得意叫絕
游仙櫂但滿眼芻牧樵蘇極懸崖控絕島遍亭臯桃

林歇馬採蓮歌換關山調撫流波荇藻漣漪澱紋畱
照 游魚吹浪飛燕翔空慣聽笙歌鬧乘好景晴和
淑媚吟賞湖光灑樓開粧鏡舟移芰浦南屏爽氣排
林表羨逋仙笑指梅花老孤山鶴夢冰雪遶漸暖日
嘶風驂騶齧盡芳草 湘簾澄碧淥水柔藍載筆嗤
墨妙約畧烟嵐踈樹瞻顧從容擬拾幽蘋白雲膠擾
銀飄鬢絲蟾輝映雪幸西家尚容憊耄趣稀齡少寄
臨風傲斜陽一曲瑤琴放艇湖心水香月皎

孫蘭媛

字介晚黃月輝長女歸陸氏詞多韻語不
雜脂粉自是香閨雪艷

訴衷情 第一體 閒情

統扇輕裁雙蛺蝶倚銀屏風漸引低語細閒評小婢
笑相迎盈盈畫簾香影清不勝情

河滿子 第一體 美人圖

羅扇半遮粉頰寶釵長墜香肩十二闌干凭曲處歛
眉此際堪憐却愛綠窗睡重羨他紅袜生妍

薄命女 惜隣 女

情緒惡強寫迴文文屢錯珠泪汪汪閣 瘦腰圍如
柳弱多少春愁銷却猛拍闌干嗟命薄悔殺當時諾

感皇恩 鴛湖 泛月

烟雨釣鰲磯楓林遙映南浦舟停夜光靜昨朝風雨
簾半捲猶嫌冷今宵秋水濶嬋娟影 初試蓉裳羞
窺菱鏡掉破蘋花浪千頃鷺鷥飛處寫出汀洲芳景
看清輝萬里銀河淨

解佩令 咏蟋 蟀

涼生籬畔風清庭院聽莎鷄一聲聲輕嘖咽露吟秋

却催起眉峰愁案再休來絮人腸斷 堦前頻喚床
頭低嘆這情懷誰堪分辨歲歲秋高向金籠十分雄
健半閒堂霜飛蛩怨

孫蕙媛

字靜晚黃月輝次女孝廉莊國英室工小
令能與介晚爭勝所著有愁餘草

摘得新 侍母

鏡影單芭蕉細雨寒瑣窗人薄命倚闌干喜隨白髮
同朝暮勸加餐

望江怨 秋思

淡閨悄葉落梧桐秋欲老攬鏡愁多少闌干凭遍西
風掃情渺渺試問菊花期還是霜前好

屠蒞珮

字瑤芳嘉興人屠成烈女適孫渭璜是爲
黃月輝之媳其小詞情思婉約不讓乃姑

南歌子 第二體
夏景

待月調鸞檻乘風鬪鴨欄粧成茉莉與珠蘭簪向鬢
邊香發撲冰紈

南鄉子

第一體
秋思

獨上樓西綠鬟鬢鏡曉粧低半暖乍寒花影靜重思
省聽得砧聲着意整

七娘子

喜晴

濕雲銷盡朝陽嫩庭前綠徧忘憂草玫瑰香濃紫霞
凌曉重簾不鎖爐烟裊 樹頭梅子青多少薰風吹
透荷錢小愁在眉山快看林表芳菲又恐鶯啼早

吳貞閨

字良首松陵人歸曹村金氏善書鼓琴東

牘有晉人風致蘇臺名媛集云其詩詞舉
體芳雋不減李夫人珊珊來遲時也

臨江仙

春閨

曉窗怯怯羅衣薄癡打鸚哥豆落呼鬟欲剪雨中花
爲甚泪含來花人情自各 睡起情絲關不住織在
眉峰一處非愁非病爲誰來癡倚玉樓前忘却收鍼
刺

平仄不
合調

吳靜閨

字珮典貞閨之妹歸周氏名媛集稱其詩

有因風飄去帶月浮來之况

謁金門 春思

春心老懶向花衙去考工夫一半愁中了睡情殊草
草 鳥泣春歸咽早春去如何去討啼音說與鏡中
人打起相思藁

虞美人 蘭

湘簾水簟秋初捲人在西風苑暗香何處拂衣來行
過畫欄深處蝶徘徊 竹溪寒玉曾同倚雪塢清無
暑一枝和露碧垂垂恰似楚江寒雨夜來時

葛宜

字南有海寧人朱爾邁配有玉窗遺稿

踏莎行

花撲重簾雲生遠樹倚樓望斷人歸路却憐檻外雨
和風殘紅一夜飄無數 新燕初飛鷓鴣拂羽歸來
已是芳菲暮晝長漸近困人天春來春去傷心處

沈關關

字宮音松陵人

臨江仙 春暮

春睡恹恹如中酒小庭閒步徘徊雨餘新綠徧蒼苔
落花驚鳥去飛絮捲愁來憶管春來春已暮枝頭
疊疊青梅年光一瞬總堪哀浮雲隨水逝殘照上樓
臺

顧道喜

字靜簾松陵人萬曆壬辰進士顧兵憲自
植女歸諸生許季通元方性癖書博雅名
通順治戊戌進士竹隱虬其次子也一門
風雅咸出淵源

如夢令

高柳蟬聲哽咽四壁蟲吟悲切丹桂發天香疑是廣
寒宮闕八月八月又是中秋佳節

季通和詞有無復夢遊金闕之
句靜簾一笑遂借隱課子云

蝶戀花

閨情

日射紗牕花影透滿鏡春山雪面粧成候立徧蒼苔
尋草鬪鸞鍼鳳線拋殘繡拜佛朝持般若呪脉脉
含情徙倚消長晝聞道知愁還未久去年學得吹簫
後

滿江紅

移居巖莊有感

禾黍斜陽村臯外江霞飛滅回首去依稀風景繁華
銷歇沼冷鴛鴦荷謝雨臺荒麋鹿松篩月忽一聲野
寺斷鐘過疎籬缺清曉怨簾鉤揭王孫夢鶻啼竭
問天涯何處銅僊金闕猿鶴三秋淹短草風雲萬里
悲高碣料明朝好鏡不相瞞霜侵髮

許定需

字碩園靜簾之女陸素絲室自幼受詩于

母氏

如夢令

壬午秋雷別兄竹隱

攜手階前吟月同調琴聲清絕上下古今編夜半燈
殘茶熟淒切淒切風景依然人別

鷓鴣天

雪曉

羅幙重重寒氣侵曉光先透紫絳余半空飛下梅華
瓣一夜平添玉樹林焚獸炭酒徐斟安排新調入
瑤琴行人莫起江南恨驢背奚囊興不禁

許心榛

字阿秦一字山有許竹隱長女竹隱宦黔

寄以絕句云憑他道豔誇風絮爭似儂家
有阿秦阿秦一和再和有粧臺秋暮挑燈
事閒檢殘編到漢秦之句可以想其風期
矣與妹阿尊阿蘇阿芬唱和爲樂又與母
姪張采于稱閨中詩友

菩薩蠻

舟中感舊

數聲漁笛斜陽裏離愁亦傍寒風起烟樹幾人家冬
殘猶放花 昔時歡笑處各自東西去恰見斷鴻飛
霜帆獨櫂歸

浪淘沙

層樓觀雪

六出繞庭中野外雲同斜斜整整舞長空笑指青山
頭白了似雨非風 歸鶴失行蹤綳袂相逢梁園授
簡奪天工誰共梅花蕭索也人在樓東

叙頭鳳

題漁郎再訪花源

峰峰亂村村斷一灣流水桃花岸春時雀秦時藥垂
髻黃髮別來忘却昨昨昨 漁舟舊漁郎瘦叮嚀仍
向人前漏山川錯僊凡各緣谿再訪烟橫雲薄莫莫
莫

許心碧

字阿蓴手錄唐絕句娛玩興到偶一作詞

浣溪紗 送秦姊

送別江頭江水清歸帆漠漠帶愁征鵲鴿原上曉霜
明木落千山鄉夢繞香橫半舫曉粧盈搖搖心事
各懸旌

許心檀

字阿蘓明慧好學其韻語多出天然兼工
於書

憶秦娥 燕來

簾櫳卷穿來穿去雙雙燕雙雙燕烏衣新翦天涯遊
倦銜花杏苑臙脂片翻躑掠雨深深見深深見雕
梁春永呢喃自遣

眼兒媚 庭荷

太華峰頭玉井蓮移種曲闌前綠衣笑擁紅粧新豔
面面堪憐珠實蜂鬚照水鮮宛宛落波仙含情勿
怨曉風披露夜月籠烟

許心澧

字阿芬時年十二喜弄柔翰寄托詠吟

玉蝴蝶 詠梅

忽憶羅浮驚夢半簾花霧香入虛無一任朱樓斜掩
黃鳥頻呼月陰轉深藏丰韻霜痕澹越顯肌膚對他
愁輕粧受凍踈影難扶 清癯東君傳信百花根動
草短平蕪管領芳菲水邊先把一枝圖笛聲橫落英
自掃隴書斲新釀誰沾為調羹衝寒先發春滿皇都

于啓璋

字靜媛嘉興人文學于世華女適西陵沈

蕃素性醜文翰所著有鍼餘草吳瀟湘居
士云鍼餘絕似漱玉揉紅撚白不減寵柳

嬌花

清平樂

新別照
積雪

宿寒未去畱却餘光住惹得姮娥嗔復如皓色隨風
遙吐 纖纖下浸瓊樓迷迷遠帶銀鈎江上不分夜
影惟聞蘆荻颼颼

鳳凰臺上憶吹簫

掬水月
在手

天際雲空枝頭風逗蕭然涼浸踈桐看烟凝翠嶂露

泣寒蛩縹緲水輪出海秋氣靜玉宇玲瓏怡情處閒
乘舫艣醉折芙蓉 溶溶光浮綠沼愛月連素浪水
接蟾宮把清波攤破纖指輕籠應念姮娥難遇莫分
手放過池東從今後準期三五此地相逢

又

弄花香
滿衣

殘臘辭梅嫩寒侵柳小園風送春來漸天桃競放瓊
李爭開相約西鄰女伴粧罷也倚徙莓苔柔荑滑弓
鞋半褪羅襪微歪 安排鞦韆架畔試閒尋百草笑
賭雙釵更揉紅撚白挿髻堆懷竚立湖山石上錯引
得蝶戀蜂猜花陰冷歸更雪縷香溢粧臺

喻撚

字惟綺江西南昌人詩人喻指妹歸湖廣
侯鼎臣才情艷逸閨中秀林下風殆兼之
矣

搗練子

春日
偶占

香欲冷雨初殘春事無多怕遶欄侍女不知愁絕處
却持花片向人看

浣溪沙

示蓮
女

曉日當窗理繡絲莫調金粉莫拈詩倦餘聊倚碧梧
枝道蘊才華妨靜女少君風範是良師耽書休似
阿娘痴

踏莎行

借嫂游
湖浦

畫閣粧餘東風正早且閒刀尺聽黃鳥湖干十里趁
花開攬遊莫惜鞋頭小樹裏人家堤邊芳草遠山
無數橫天表頻年苦憶故園春今朝始覺江南好

林下詞選卷十二

林下詞選卷十三目錄

國朝詞

張學雅十五首

張學典二首

沈樹榮五首

吳芳二首

顏繡琴二首

沈彥琴一首

沈御月一首

胡玉鶯二首

姍姍一首

蘇清月一首

戴陵濤一首

張學象二首

張學聖一首

張學賢一首

蘇瑞蓉一首

汪嫺一首

周季三首

林下詞選卷十三目錄

林下詞選卷十三

國朝詞

張學雅

字古什山西太原人張佚女隨父流寓蘇州許配金壇于給事中泚年二十二未嫁而卒其父爲狀云女生之日其母金夢道人鐵冠鶴擎入坐中堂呼語曰上帝散花玉女誤碎御瓶今謫汝家宜善視之寤而坐草果生女女幼不食葷血聰慧過人嗜

讀書十餘歲能屬文作月賦尤工詩予多
難流離播遷家貧窶甚至紙窗破損不能
補學雅每端坐一室了無介意攤書籍滿
牀几吟咏徃徃徹夜當臥病猶持黃庭經
準提呪強起洗硯濡毫賦詩尚日有一二
十首一日其母又夢前道人來曰玉女謫
限滿矣果於是日正午端坐而逝逝之日
手未嘗釋卷也其女弟學儀集其遺稿十
卷命曰繡餘草繼總女禪師爲之序

生查子

夜深

試問燭無情何事頻添淚清夜正迢迢綠焰煎心碎
繡帳冷熏篝香膩鴛鴦被懶卸玉搔頭一束和衣

睡

浣溪沙

春日

無事閒庭不啓扉篋香空疊舊羅衣綠濃紅淡恨依
依睡起海棠香夢足隔簾芍藥淡烟迷春來春去
總堪疑

又

木下詞選 卷三 二
向晚粧成懶出帷徘徊對鏡感愁眉自憐歡少只多
悲花弄影時庭正午身驚啼處日西垂覺來幽夢
已難追

菩薩蠻 柳絮

飛綿糝徑無消息因風管領東南陌小樹正無聊漫
天作雪飄珠簾愁未捲浪跡浮踪遠舞怯點池塘
萍浮綠渺茫

又 代閨怨

纖纖眉月窺簾小夜深人靜閒庭悄香袖倚欄杆玉

階花露寒細箏絃斷續懶奏歸雲曲淚濕素牋紅
燈前帶淚封

減字木蘭花 臨鏡

曉寒侵箔錦帳佳人初夢覺情緒如痴一種幽魂在
自持菱花乍起忽見嫦娥來月裏髻膩雲香鬢掠
蘭花時樣粧

海棠春 秋海棠

西風吹展臙脂片愁絕處睡醒難辨試捲曉簾看酒
暈楊妃面霧籠烟鎖供腸斲花史還嫌秋色淡故

把雨絲飄染得紅堪玩

蝶戀花

夜雨

門掩蒼苔春寂寂暮雨瀟瀟隔著窗兒滴小院黃昏
人獨立啾啾飛鳥歸栖急 萬里瀟湘雲霧濕簾外
風聲疑是吹蘆荻腸斷梅花和泪泣氤氳夜半高樓
笛

又 春晚

九十韶光憐未賞一地芳菲似與愁爭長幽鳥初驚
鶯兩兩晝眠人靜閒書幌 霽雨初晴天色爽寂掩

重門風弄花枝響蛺蝶戀花飛不放幾迴繞徧空枝
上

又 前題

紫燕雙飛春去了桃李枝頭畱得春多少簾箔重重
人悄悄黛烟一半縈芳草 空憶故園歸去好正是
池塘綠滿荷錢小深院垂楊烟繚繞落紅荒榭啼鶉
老

拂霓裳

病起

暗年芳日暄初換薄衣裳扶病起含情對鏡懶梳粧

任繁紅消索從柳絮輕狂損春光唯憐蘭蕙伴我清涼
多情須戒潘仁髮易沾霜從今後愁來切莫細思量
一翻風雨過落盡滿園香最堪傷依依茸草綠徧回塘

滿江紅 春暮

高閣烟籠旭光初照垂楊院粉蝶黃蜂花下度韶光
堪玩乳燕飛時鷺又老芳菲無限腸空斷紅箋書恨
小字題愁揮檀翰紗窗靜書爲伴欄杆外紅塵亂
正池塘草長烟波平岸閒坐蘭閨垂繡幕隔牆唯聽

幽禽喚說十分春色九分消增長歎

燭影搖紅 秋思

搖落江天一庭淡日閒清晝素衣時怯曉風侵睡起
籠金獸病後東陽消瘦憑高幾度空回首籬邊踈菊
天際孤鴻年光依舊不解雙蛾偏將惱恨淡淡覆
蓮房泣露粉香愁池水風吹皺昨夜雨輕寒驟海棠
滿砌臙脂透暮蟬踈柳黃葉堆階斷腸時候

桂枝香 詠桂

生隨滿月香散在清秋豈遭蜂蝶瀟灑小山叢茂羣

芳敢雜成蹊桃李爭春艷到如今也堪羞殺一秋三
度天香繚繞廣寒宮闕 真稱得中央配色更瓊葉
難凋情傲霜雪一種淒涼風韻霏霏金屑而今誰把
吳剛斧丹梯千級虛陳設珠英萬斛姮娥自貯未容
攀折

浪淘沙慢

冬至
夜作

黯黯獨坐正淒慘一燈明滅情緒此時難說柳眉空
鎖雙葉奈詩句慵題逢令節怕描出寸腸千結念往
事星霜容易換空庭又飄雪 悲咽耿耿雁鳴天濶

不道悄悄畫堂深處有個人愁絕抱影自尋思清夜
魂怯昏烟凝白向小窗獨語一鈎殘月蘭麝消鴛衾
空疊香閨靜更籌將歇陰風凜嫩寒侵透恰想何處
可使遺愁除入夢蘧蘧變成箇蝴蝶

張學典

字古政張佚第四女適吳門解元楊廷樞
子无咎偶于友人齋頭見其所刻唱和小
箋未得全藁其詠秋海棠小令別有一種
憨稚之態非復尋常艷麗知是繪香手

浣溪沙

秋閨
聞雁

庭院蕭疎落葉稠
數聲寒雁起汀洲
驚迴蝶夢故園游
翠柳凋殘寧似昔
黃花憔悴不禁秋
仰看雙影漫凝眸

蘇幙遮

詠秋海
棠和外

嫩舒紅輕剪翠拂拭新粧
一種天然媚淺暈胭脂凝
宿醉力怯凭闌香夢初驚起
映殘霞籠曉霧嬌態
含情欲語還羞吐
自是月中丹桂侶
一夜金風吹向
瑤階貯

沈樹榮

字素嘉吳江沈永禎女葉蕙綢其母氏也
適同邑諸生葉舒胤卽仲韶先生從孫其
所製家庭酬唱居多可想見渭陽之韻事
矣

如夢令

秋日

小院西風初透一霎涼生雙袖
幾日怕關情猶道芳
菲時候
是否是否添得鏡中消瘦

點絳脣

懷吳夫人
龐小腕

隔箇牆頭幾番同聽黃昏雨別來情緒向北看春樹
一院藤花底是臨書處還記取綠窗朱戶曷曷茶
烟縷

臨江仙 病起

草草妝臺梳裹了曲闌干外凝眸年光荏苒又深秋
一番風似剪兩度月如鉤 病裏高堂頻囑道而今
莫更多愁當時檢點也應休重新來眼底依舊上眉
頭

滿庭芳

中秋同三姪母六姪
母坐月和三姪母韻

宿雨全收晚涼乍爽微雲點綴長天廣寒宮敞素面
露嬋娟影浸閒庭如水看浮動梧竹和烟相依處團
圓共話人月恰雙圓 記闌干十二桂花叢下分劈
紅箋許詩成險韻學步隨肩一向秋光隔斷清輝好
兩地空懸今夜永參橫斗轉幽賞不教眠

水龍吟

初夏避兵惠思三姪母棲鳳館
有感追和外祖母憶舊原韻

誰知到處徘徊謝庭風景都非舊畫堂塵掩蓬生三
徑門垂疎柳白晝初長清風自至流年空又看多情
燕子飛來還去真箇不堪回首 簪日嬌隨阿母學

拈鍼臨窗挑繡斜陽樓外熨殘銅斗線紋渾皺蠶欲
三眠鶯猶百轉落花時候問重來應否消魂試聽江
城笳奏

吳芳

字芳英秀水人吏部吳竹亭女貢生祖錫
之妹適同邑徐然然字撫辰素以詩文名
世

阮郎歸 寄遠

東風吹就雨廉纖慵將鍼線拈暗愁多半上眉尖殘

燈和泪添 羅帳冷髻鬟偏無言且獨眠欲憑清夢
到君邊誰知夢也慳

丁香結

爲未婚顧
烈女作

蘭拂清芳菊垂素影那容蝶蜂輕逗待粧臺攀折繡
簾永伴任淒清相守不堪人去也花容杏鏡鸞虛負
含芳歛艷更教甚日重撚玉手 難又看嫋嫋嬌枝
休擬綵絲牽袖柳絮沾風墻花笑路從教甘受誰識
香心有主怎許憐清瘦拚宵來顚顚敢惜塵埋瞿缶

顏繡琴

蘇州人字青音適分湖葉氏

長相思

思漫漫恨漫漫春色芳菲取次看閒庭花影寒
對
闌干凭闌干夢見雖多相見難紅香泣夜殘

謁金門

愁脉脉幽恨滿懷誰識芳信經春還又隔晚風花陣
急
紫燕雙雙飛入簾外一天雲碧可奈妝臺人寂
寂繡書和泪跡

沈彥琴

字參荇吳江人雅工文墨與其妹織阿稱
一時聯璧歌詞往往有傳誦於人者

臨江仙

為烈女顧季繁賦

彤管徒傳緱嶺怨採蘭又釀新愁此身已許便相酬
一朝巾幗志千古丈夫儔
慷慨捐生猶易事從容
就義難求樓空人去冷香篝雲寒朝欲暮月淡夜何
修

沈御月

字織阿

虞美人影 送春和韻

送春春去添煩惱閒悶何時得了試看落紅多少點
破階前草 流鶯樹上啼聲悄驚破羅幃夢杳斷送
鏡中人老都為春歸早

胡氏

名玉鶯武康人歸吳氏少年守制詞最悽

惋

減字木蘭花 思親

無言凝咽難解柔腸千萬結倦倚粧臺惟願慈親入

夢來 白雲望斷泪染羅襟紅欲遍愁壓眉尖怕見
春光不捲簾

菩薩蠻 賦得願在髮而為澤和瀟湘居士

春風嶮峭孤幃冷鬱金油膩鴛鴦枕慵整綠鬟偏鸚
哥喚檻前 朝來新沐潤懶學宮妝鬪隨意插花枝
芬芳只自知

姍姍

周氏一名小姍毘陵黃雲孫進士所聘侍
兒未嫁而卒雲孫為之傳詞止一首見蘭

咳集

減字木蘭花 和別

梅花何意開落從君君曰未收拾韶光消得天公幾
度霜 心魂安在花欲訴人人似醉月底惺忪忍聽
明朝馬上鐘

蘇清月

虞山人有夢草亭詩餘

長相思 秋興

晚風生晚烟深幾樹丹楓點翠屏鐘聲處處聞 零

白露罨青雲征雁蕭蕭下遠汀斜陽照短亭

戴陵濤

字文淑廣陵人色藝雙絕吳郡蔣曠生進
士納爲小室未幾卒所著有綠牕草

虞美人 秋山

千林葉落千峰曉颯颯西風早隔山何處逗鐘聲
首蒼茫雲樹接歸程 寒鴉古木深秋後楓葉霜初
透停車晚步望山頭又是一行征雁過秦樓

張學象

字古圖張佚第五女著有硯隱集因所配
非偶其詩詞多哀怨之音斷腸集不是過
也

減字木蘭花 病中

病慵思睡可憐一日長如歲轉轉無聊感損蛾眉瘦
損腰 三生緣淺鳳臺不遇吹簫伴寫恨盈篇幾度
追思李易安

滿江紅 秋夜自傷

蕉影橫窗又點染一番秋色誰信道歲華如舊画樓

今夕天末飛鴻難訴與簾前明月曾相識想當初已
誤摠難追今無及 千種事休重憶千種恨書盈帙
嘆三生緣薄泪珠空滴偏是王郎逢謝氏不教仙女
隨張碩想徒然滿腹盡文章成虛擲

張學聖

字古誠張佚第六女與妹學賢俱未字所
著有唱和集

清平樂 宮詞

昭陽春暖風送歌聲遠舞罷霓裳歸院晚凝醉海棠

紅軟 窗前鸚鵡嬌呼錦帷春夢如酥女伴相邀鬪
草雲鬟起倩人梳

張學賢

字古明

菩薩蠻

月夜
田文

夜寒垂幕消蘭麝蘭麝消幕垂寒夜鞦韆鳳冷莓苔苔
莓冷鳳鞦 月華鋪砌雪雪砌鋪華月看得幾時圓
圓時幾得看

蘇瑞蓉

字淑芬

桃源憶故人

春恨

亂鶯啼歇春將盡燕向舊巢相並添起一番新恨自
也渾難問 滿園桃李舒嬌暈沒箇那般風韻陌上
清明已近漸覺無真信

汪媯

嘉興人汪周士妹聰慧寡言有天女丰度
許字戴判官之子年十四未嫁而歿所著
詩詞伊兄盡爲焚毀不忍讀也茲小詞向

傳誦於人者

搗練子

同仲嫂夜坐

庭悄悄月沉沉唧唧寒蛩斷續吟獨有孤鴻聽不得
欲眠猶自理瑤琴

周 季

字季玉吳邑人周節菴次女

如夢令

早春

報道東風已到霧散烟沉晴曉紅日照梅梢新柳枝
頭絲裊春早春早窗外一聲啼鳥

唐多令

秋夜追和葉瓊章韻

蛩絮短長更涼侵衫袖輕透窓櫺淅瀝風鳴漸覺短
繁多意味好伴取讀書聲 四壁冷清清孤幃影易
驚把桐君几上聊橫流水欲彈還又歇殘月落一天
青

賣花聲

風雨惜梅

子鶴妻伊高士襟期相許任春來嬌歌艷舞繁華載
路獨占深山塢王孫有意終非伍 瓊琪滿樹恨殺
無情少女恣推殘更加連雨師雄清夢歷亂尋何處

林下詞選
難觸目粘泥藉土

林下詞選卷十四目錄

補遺

蘇小小二首

王十八娘一首

吳二娘一首

柳氏一首

耿玉真一首

花蕊夫人二首

王氏一首

盼盼一首

珍娘一首

王秋英二首

素貞女子一首

小青一首

張紅橋一首

吳氏一首

翠薇一首

郝湘娥一首

無名氏一首

謝小湄一首

張學典二首

瑤宮花史一首

楚江一首

袁蓮似一首

沈靜筠一首

張淑芳二首

琴操一首

林下詞選卷十四目錄

林下詞選卷十四

補遺

蘇小小

一名簡簡南齊時錢塘人樂府載其西陵

歌云妾乘油壁車郎跨青驄馬何處結同

心西陵松栢下

減字木蘭花 懷人

別離情緒萬里關山無底數何事傷悲未必郎心知
不知 自從別後數盡殘冬春又暮音信全乖等到

花開不見來

黃金縷

宋時司馬才仲在洛下晝寢夢一美姝牽幃而歌才仲愛其詞因詢曲名云是黃金縷後五年才仲以蘇子瞻薦應制舉中等為錢塘幕官與秦少章道其事少章為續其詞頃之復夢美姝迎笑曰夙願諧矣遂與同寢自是每夕必來才仲為同案談之咸曰公解後有蘇小小墓得夫妖乎不逾年才仲竟成疾而殞

妾本錢塘江上住
花落花開不管流
年度燕子啣將

春色去紗窗
幾陣黃梅雨

調即蝶戀花

少章續云斜插犀梳雲半吐檀板輕敲唱徹黃金縷夢斷彩雲無覓處夜涼明月生南浦

王十八娘

天寶間宮人與太真寵相亞
馬嵬埋玉十

八娘亦歸晉安故里
明萬曆間與閩人東

海生冥會歌此詞自序事見幔亭集

菩薩蠻

妾身本是瑯琊種
當年曾得君王寵
傾國鬪紅妝人

稱十八娘
絳綃籠玉質
纖手金盤擘
驛路起塵埃

驪山一騎來

東坡詠荔枝詞有骨細肌香恰是當年十八娘之句

吳二娘

按白樂天詩云吳娘暮雨蕭蕭曲自別江

南久不聞蓋指此女也

長相思

淡畫眉淺畫眉蟬鬢鬢雲滿衣陽臺行雨迴 巫
山高巫山低暮雨蕭蕭郎不歸空房獨守時

柳氏

昌黎韓翊有詩名羈滯貧甚有李生者負
氣愛才與翊友善遂以幸姬柳氏贈之後
翊得擢上第因省家於青池天寶末盜覆
二京柳氏乃翦髮毀形寄跡法靈寺時翊

為侯節度書記畱淄青嘗遣使間行求柳
氏以練囊盛楚金而題之曰章臺柳章臺
柳昔日青青今在否縱使長條似舊垂也
應攀折他人手柳氏捧金嗚咽亦賦詞答
之

章臺柳

即仄韻
搗練子

楊柳枝芳菲節所恨年年贈離別一葉隨風忽報秋
縱使君來豈堪折

耿玉真

南唐盧絳居廬山夢白衣婦人歌詞勸酒
因謂絳曰妾乃耿玉真他日富貴當相見
於固子坡後入宋坐法臨刑有白衣婦人
同斬宛如所夢問其姓名曰耿玉真受刑
之地則固子坡也

菩薩蠻

玉京人去秋蕭索畫簷鵲起梧桐落
欹枕悄無言月
和清夢圓
背燈惟暗泣甚處砧聲急
眉黛小山攢
芭蕉生暮寒

花蕊夫人

蜀主孟昶妾費氏後歸宋昌陵惑之屢造
毒爲患不能遂晉邸數諫昌陵不聽一日
從獵苑中花蕊在側晉邸方調弓矢引滿
擬獸忽回射花蕊一箭而殞

醜奴兒令

題葭萌驛
詞只半闕

初離蜀道心將碎離恨綿綿春日如年馬上時時聞

杜鵑

詞品云花蕊夫人書詞未畢爲軍騎促行後人有
續之云三千宮女如花貌妾最嬋娟此去朝天只

恐君王恩愛偏夫人見宋祖猶作十四萬人齊解
甲更無一個是男兒之句豈有隨景行而書此敗
節之語乎不惟虛空架橋
而詞之鄙俚亦為續貂矣

玉樓春

夜起避暑摩訶池上
一本作蜀主詞

冰肌玉骨清無汗
水殿風來暗香滿
繡簾一點月窺
人欹枕釵橫雲鬢亂
起來瓊戶啓無聲
時見疎星
渡河漢
屈指西風幾時來
只恐流年暗中換

後段起句失韻

王氏

詞得之乜仙自言宋時人年二十卒有詩
云兒家夫婿太輕狂
錦瑟春風泪萬行
孤

枕伴人憐夜雨翠蛾感盡五更長
見沈宛君伊人思

秋波媚

流水東迴憶故秋
疎雨滴更愁
雁來楚峽風淒江渚
瘦損輕柔
誰憐絕世嬌姿
在斜倚小妝樓
慵窺寶鏡
泪懸情眼恨鎖眉頭

盼盼

宋時瀘南官妓瀘帥嘗寵之時黃山谷過
瀘帥府中贈以浣溪沙詞云脚上鞋兒四

寸羅唇邊朱粉一櫻多見人無語但回波

料得有情憐宋玉祇因無奈楚襄何今

生有分共伊麼盼盼拜謝因唱惜春容詞

侑觴山谷大喜醉飲而別

惜春容

調即玉樓春一本誤作山谷詞

少年看花雙鬢綠走馬章臺管絃逐而今老更惜花

淡終日看花看不足坐中美女顏如玉為我一歌

金縷曲歸時壓得帽簷欹頭上春風紅簌簌

珍娘

宋時女鬼

浣溪沙

溪霧溪烟溪景新溶溶春水浸春雲碧琉璃底淨無

塵風颺游絲垂蝶翅雨飄飛絮濕鶯唇桃花片片

送殘春

王秋英

見第五卷近閱萬身啼春集又得其詞二

首皆他選所不錄

臨江仙

除夕

燈火滿城鳴竹爆家家收拾幾年春陽初轉動朱絃
金爐香幾縷裊裊散輕烟 人事天時又一歲迎春
送臘開筵多情盃酒更烹鮮殷勤斟玉斝相對淚潛
然

滿江紅

偶度銀河霎時間雲收雨歇在做了叢莽溪頭一場
轟烈江上風雨百年心家國興亡千里月媿今宵勾
引蔓藤又添淒切 烟花恥應難雪雲雨債何時滅
只爲塵緣把白瑜玷缺高唐夢裏情如海望帝山中

淚成血羞睹着嫦娥長自在瑤瑤闕

此詞中多謬句然不忍釋

素貞女子

見填詞集豔未詳其姓

行香子

閨情

一種愁腸兩地參商嘆歸鴻信阻衡陽深深閨閣幽
恨偏長也懶薰爐懶拈韻懶修妝 梨雲夢冷泪抹
瀟湘枕香腮無限思量不禁憔悴愁倚空床却半如
癡半如醉半如狂

小青

名玄玄廣陵人嫁爲虎林某生妾早卒
 老居士爲之傳 又按小青係情字離合
 本屬烏有詩詞亦出僞撰今詞已載卓珂
 月詩餘廣選中俊健獨出不必問其爲捉
 刀也故錄之

天仙子

文姬遠嫁昭君塞小青又續風流債也虧一陣黑罡
 風火輪下抽身快單單另另清涼界 原不是鴛鴦
 一派休算做相思一槩自思自解自商量心可在魂

可在着衣又撚雙裙帶下字失韻平

傳中又有南鄉子詞止三句云數盡
 慼慼淡夜雨無多也只得一半工夫

張紅橋

見第六卷其玉漏遲一闋得之晉安逸志

今附此

玉漏遲游白湖別墅和鴻韻

輕烟籠碧樹鶯啼香露繡帷春曉短夢初回頗恹賣
 花聲早懶下銀牀慢起纖纖手靚粧未了郎語小這
 綠稀紅暗與卿臨眺 爲儂巧畫雙蛾移幾步金蓮

花間談笑聯袂尋芳恰是春光年少一杯竹葉同斟
休學取樂昌破照佳興杳日日踏青鬪草

後段第五句第六句

末句俱不合調這字襯

吳氏

湖州秀才家女以失行繫司理院郡僚聞其美往觀之風格傾坐因命賦詞時值雪中遂吟長相思一闋衆爲言之太守王梅

溪卽與釋放

長相思

烟霏霏雪霏霏雪向梅花枝上堆春從何處回 醉
眼開睡眠開踈影橫斜安在哉憑教塞管催

翠薇

嘉靖初清河丘任泊舟江陵有一女子來自稱兩淮鹽運使何公之妾翠薇引生至一亭就枕作詞以贈又詩云不斷塵緣露本真翠薇花下遶香魂如今了却風流債一任東風啼鳥聲次日訪之乃其墓也

憶秦娥

楊枝裊恩情無限天將曉天將曉漏窮鷄喚教人煩惱
郵亭一夜風流少匆匆後會應難保應難保最
傷情處殘雲風掃

郝湘娥

保定人竇鴻妾後鴻爲叛寇誣指斃獄湘
娥遂投繯殉節見徐穉濤美人書

清平樂

簾鈎雙控時有薰風送惱殺禽聲宛轉唳驚破午窗
殘夢分明薄倖回家醒來依舊天涯且莫輕拋珊

枕再從夢裏尋他

無名氏

見初蓉集

漁家傲

秋日家園卽事
次徐小淑韻

家在蘆花深曲曲半泓水抱三間屋爨下拖青新搗
穀朝餉熟雪猫猶護熏籠宿倦思侵眉渾一簇無
端又聽風敲竹試展屏山三四幅看未足日斜醒夢
香橙綠

謝小湄

見第八卷

南鄉子 夜雨補
小青詞

弱質苦難扶家住孤山人更孤數盡懨懨深夜雨無
何費却工夫一倍多 雙淚落龍梭寫就新詞調不
和繡枕冰寒眠未穩憐吾更鼓敲殘夢也無

張學典

見十三卷

蝶戀花 六妹放紙
蝶戲作

絳袖玉纖牽一線新製雲衣冉冉凌空展趙后香魂

疑更返東君謫作探花伴 斜逐游蜂過柳院倦繡
佳人悞撲輕羅扇一自飄揚春不管多情空把東風
怨

又前題

力弱巧將纖縷繫粉翅翩翩恐逐東風去未解尋香
花下度玉人芳信猶耽悞 輕薄却同飛絮舞乍見
疑真撲向枝頭墮可是蒙莊幽夢破魂消不識春歸
路

瑤宮花史

何氏小名月兒山陽人早夭爲王母散花
女歲癸未降乩如武園詳載悔菴沙語

鷓鴣天 送楚江
下世

整束簪環下碧霄教人腸斷念奴嬌曲房空剩殘香
粉獨對瀟湘憶翠翹 斟別話酌清醪盈盈徐送小
紅橋從今不伴烟霞客愛向風前鬪柳腰

楚江

花史侍兒甲申二月降生趙地

鷓鴣天 和花
主韻

朝飡風露暮乘霄不羨金閨貯阿嬌却恨柳絲牽月
線強移花色點雲翹 情猶戀意如醪依依不舍舊
藍橋東君可許歸曩伴暫向塵封學楚腰

袁蓮似

字素如錢塘妓所著有粧笈新鹽與近日
名流唱和青樓之傑然者也

玉漏遲

傷春春又去可憐几許都教辜負拾翠尋芳一事那
能真個画閣深深誰到剛燕子一雙窺繡相見罷低

聲歎語訝人消瘦 難道薄倖心腸渾不記樓頭去
年時候端的思量著甚為伊禁受似此輕離苦賺經
擔得几番廝守歸到否先教看奴襟袖

沈靜筠

字玉霞吳江人太史沈位孫女山人呂元
洲室歿後常降乩作詩詞與呂酬答語意
超曠殆飄飄欲仙矣

鷓鴣天

乩上示
元洲

一片春光遍九霄這回風月也全消重來繡閣吟殘

句不數緱山弄玉簫 身外事等閒拋萬層雲路碧
迢迢香南雪北何由見直比人間午夢遙

玉霞又有詞云平波澹蕩烟無跡碧
落清虛月有痕二語固非仙不能

張淑芳

淑芳樵家女宋理宗選宮嬪賈似道見其
美匿為妾似道敗芳遂削髮為尼結菴九
溪塲栽花種竹以老見西湖詩誌有四季
詞今錄其二

更漏子

秋

林下詩選 卷五
墨痕香燈下淚點點愁人幽思桐葉落蓼花殘雁聲
天氣寒 雲棲月青溪塢村到秋來更苦風淅淅水
盈盈淙淙激不平

滿路花 冬

羅襟濕未乾又是淒涼雪欲睡難成寐音書絕窗前
竹葉凜凜狂風折寒衣弱不勝有甚遙腸望到春來
時節 孤燈獨照字字吟成血僅梅花知苦香來接
離愁萬種提起心頭切比霜風更烈瘦似枯枝待何
人與分說 勝字
失韻

琴操

蘇子瞻守杭日有妓名琴操頗通佛書解
言辭子瞻異之一日遊西湖戲語琴操曰
我作長老汝試叅禪琴操敬諾子瞻問曰
何謂湖中景對曰落霞與孤鶩齊飛秋水
共長天一色何謂景中人對曰裙拖六幅
湘江水髻挽巫山一段雲何謂人中意對
曰隨他楊學士驚殺鮑叅軍如此究竟何
如子瞻曰門前冷落車馬稀老大嫁作商

人婦琴操言下大悟遂脫籍爲尼

卜算子

欲整別離情怯對樽中酒野楚悠悠石上飄零落樓
頭柳不繫黃金綬粉黛愁成垢春風三月有時闌
遮不盡梨花醜

遮字
襯



